

SYLVIUS


—
DE

FEBRIBUS

1687









114

7

25

PP

l

21

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark

SYLVIVS, J.
of Dublin

65839/A

NOVISSIMA IDEA
DE
FEBRIBUS,

ET
Earundem Dogmatica, ac rationalis

CUR A,

Mechanicis Rationibus Suffulta.

Accessit Differtatio

DE
INSENSIBILI TRANSPARATIONE

Mechanicè Probata.

AUCTORE

JACOBO SYLVIO, Med. Doct.
BATAVO Collegii Medici, nec
non Societatis *Dubliniensis* ad Pro-
movendam Naturalem Scientiam
Socio.

Dublinij, Excudebat *Jos. Ray*, pro
Guil. Norman, *Sam. Helsbam*, &
Eliph. Dobson, Bibliop. 1687.

THE UNIVERSITY OF CHICAGO
PRESS

THE UNIVERSITY OF CHICAGO
PRESS

THE UNIVERSITY OF CHICAGO
PRESS

THE UNIVERSITY OF CHICAGO
PRESS

THE UNIVERSITY OF CHICAGO
PRESS


Nobilissimo Domino Domino
GUILIELMO STUART,
Vice-Comiti de MONJOY,
Rei Tormentariæ in Hiber-
nia Præfecto Generali, &c.
Societatis Dubliniensis ad
Promovendam Naturalem
Scientiam PRÆSIDI.

Nec non

Clarissimis sex Senatoribus.

Cæterisque ejusdem Societatis
sociis.

Nobilissimi, Reverendissimi,
Spectatissimique Viri.

 *I*nturni Silentii quo
integro hoc triennio
ex quo in Societatem
vestram ascriptus usus sum;
* 2 par-

partim Verecundia partim imperitiâ linguæ Anglicanæ, finem hodiernus dies attulit.

Pudet tandem, quum vos perscrutandis rerum penetralibus totos esse viderem; me hactenus nihil præstitisse: Postquam autem solvendis difficilissimis Matheseos, & Rei Mechanicæ Nodis, ardenter vos incumbere expertus essem, aliquid istius farinæ Moliendum & mihi Censui; Verum enim verò cum nostra Medicina, parum firmis non minus, quam solidis Matheseos rationibus accommodata sit, diu dubius hæsit animus quo me verterem.

Tan-

Tandem animum induxi æconomiam Animalem Mechanicis rationibus suffultam conscribere, & revera omnes functiones Naturales omninò absolveram, antequam observassem, opus vobis forsan tædiosum, & mihi nimis prolixum futurum; aciem itaque intentionis meæ abrumpere statui; & ne viderer parum mortalium bono consulere, intricatam febrium Historiam Mechanicè explanare conatus sum: præsertim, quum non solum ubique terrarum, sed etiam in his jam Regionibus passim grassentur.

3

Sed

Sed quum non minus hic
tractatulus Hypotheseos, quàm
ejus Auctor Nativitatis causa
in hoc Regno sit Hospes, igno-
rare haud quaquam potui, non
desuturos nobis, non tantum
Adversarios plurimos, sed &
Cavillatores & qui inanem Lo-
gomachiâs occasionem ample-
ctuntur, qui nos Syncrusio ri-
su tanquam Audaculos proscin-
dent, & Mordacibus forsan
dicteriis prosequuntur. Itaque
quam maximè nos Asylo, &
defensoribus egere, nemo non
videt; susque deque tamen
habitis omnibus aliis, nusquam
nos tutos fore rati, quam sub
Pal-

Palladis vestrae Clypeo, ad
vos confugimus, certo certio-
res, quam Gremio suscepistis
prolem, sinu vestro fovere non
detrectaturos: Vobis enim de-
betur, quantum mihi suppe-
tit, utpotè nobili quem mihi
dedistis stimulo genita; A ma-
ligno itaque obtrectatorum ful-
mine inermem hunc libellum,
& Hospitem Auctorem vin-
dicare, & si fortè non usque
quaque ille, quem affectant
verborum Artifices eleganti-
rum lepor, decor, gravitasque
appareant ignoscere vestrum
erit, præsertim quum non ele-
gantiae, sed Communi Utili-

tati ac commodo studere animus
fuit.

Ne autem futilia credatis,
quæ tantis viris oblatum venio,
Certiores vos reddam habere
hunc libellum quorum nec pu-
det nec piget, & quæ forsân So-
cietatis vestræ socio non indigna
æstimabitis. Valete interim No-
bilissimi Reverendissimi & Spe-
ctatissimi Viri, & inter De-
votissimos Nominum vestro-
rum Cultores, locum infimum
non mereri credite, qui ex
animo est Societatis vestræ Ad-
dictissimus Collega,

JACOBUS SYLVIUS.

LECTORI BENEVOLO S.

Quam vides Ideam novam de
Febribus Amice Lector,
pro Idea habeas enixè rogo, si
quid offendant, Chimæra sit, si
velis per me licet, si arrideat sat
actum mihi autumo. Certè non eo
animo neque studio conscripta est,
ut in lucem prodire merito posset,
Societati nostræ Dubliniensi
debetur; nam ne mutam personam
diutius agerem, ut ferè per trien-
nium ob imperitiam linguæ Angli-
cane egi, hæc exarata est; Nuda
prodit ut Ideam decet, rationita-
men innixam confidimus, si titulo
suo respondeat mihi sufficit. Si ali-
quando obscura videatur, ne Au-
ctorem incusa, si œconomiam
naturalem quam conscripsi, unà
ede-

*edere integrum fuisset, ad elucida-
tionem hujus non parum infer-
viisset. Dissertatio de insensi-
bili Transpiratione quam eo no-
mine huic subjungimus, hoc ex
parte praestat, De erratis benevole
judica, nonnulla quorum revera
me pudet, vel inscio, vel me ab-
sente irrepserunt, absit modo ob-
treclatorum invidia, & sciolorum
inclinatio, & felix fuero, semper-
que manebo tuus,*

JACOBUS SYLVIUS.

F



re

qu

luc

re

ritie

ti.

inh

abit

cren

mul

me

Ar

à d

tum

Novissima Idea FEBRIUM.



ON immerito *Julium*
Cesarem Scaligerum scri-
psisse puto, Nil infeli-
cius esse iis ingeniis quæ
mordicus sentiunt majores
nostros nihil ignorasse. * Sane
quantum damni, servilis hæc credu-
litas, rei *Physicæ*, ac *Medicæ* attule-
rit, omnibus innotuit: nam dum
ratione, ac experientiâ parum solici-
ti, *Antiquorum Autoritati* saltem
inhæserunt; ab ulteriori indagine
abstinebant: cum tamen nemo ha-
ctenus evicit, (asserunt quidem
multi) perfectam nobis reliquisse
medicinam Veteres; è contra, cum
Artis Medicæ quaecunque habemus
à diversis constructum, ac adorna-
tum diversimode, ædificium, vi-

A

dea-

2 NOVISSIMA IDEA

deamus cum nonnullis cordatis, & egregiis *Viris*, esse in multis imperfectum, in non paucis ruinosum (liceat *Glariff. Sylv.* verbis hic uti) omnem lapidem movere debent, præstantes omnes arte viri, ut manus medica, *medicina* serio admoveatur, atque præjudiciis omnibus, semper noxiis valedicentes, collatis operis, uni veritati, & publico mortalium bono, ardentem incumbant: quo tandem aliquando, ad optatum, saltem sperabile perfectionis fastigium, perducatur *Artium Nobilissima* generique humano tam utilis, quam necessaria *medicina*. Non defuerunt nostro ævo, *decora ingenia*, *Peritissimi viri*, qui experimentorum, *anatomicorum*, *chymicorum*, & *mechanicorum* cumulo abunde instructi, accesserunt ad opus tam laudabile, quippe etiam semper necessarium. Quid de *Willisiis* in *medicina*, *Boylis* in *physicis*, *Borellis* in *mechanicis*, & tot accuratissimis naturæ indagatoribus, præclarissimisque *Viris*, quibus

An-

Anglia presertim, super omnes gentes merito superbit, dicam? emicuerunt etiam apud *Batavos nostrates*, nonnulla præclara lumina, de Domino *Sylvio*, nihil ausim dicere, tacitus tamen ipsum præterire, injurium foret. Inter recentiora merito recensemus *Cornelium Bontekoe*, & *Hydentricum Overkampium*, acumine ingenii præditos viros, quorum alter *veterem medicinam* demoliendo, alter novam construendo, uterque egregiam operam navavit. Horum amborum *virorum* vestigiis, dum insistere conor, & dum ex *chymicorum* & *mechanicorum* fonte vivo, quicquid ad intricatam *febrium* historiam extricandam, in medium proferemus, haurire animum induxi; enixé vos *benigni lectores* rogo, ut sicut hanc nostram sententiam (quam nihilominus ratione petitam confidimus,) licet à creditis passim opinionibus, etiam *Clarissimorum Virorum*, in multis discrepantem, non dubitamus tamen, vestro examini, & cen-

4 NOVISSIMA IDEA

furæ subicere, vos benigné, & in bonam partem conatus nostros suscipiatis, erroresque, æqui bonique consulere, & benevole ignoscere, non dedignemini; non enim ostentationi studere animus unquam fuit, sed uni *veritati*, & *publicæ utilitati* si ausim sperare, & ut numero dicam, ut non nullos docere, ac ipse erudiri possim, & tandem, ut oblitterantes quorundam empiricorum calumnias, discutere queam.

Antequam autem *Febrium naturam*, *causasque veras* explicare aggrediar, necessarium fore arbitror, primo *integrarum functionum genuinas*, compendiarie via exponere.

Beatitudo *vite naturalis* dependet, ab *justa*, vel *equali*, regularive *sanguinis particularum*, & *chylim-sensibilem*, commistione, ac unione: ad quam requiritur æqualis proportio, *gravitatis*, & *levitatis*, *figure*, *magnitudinis*, *numeri*, *situs*, ac *motûs* harum inter se invicem, scilicet ut
par:

F E B R I U M.

particula spirituose nimium in sanguine, exultantes, a novo affluente chylo, aliquo pacto cohibeantur, segnities novi, permissione rarefacti chyli exciteretur, *acide* amplexibus *oleosarum*, conserventur ne nimio attritu, cum particulis *salinis lixiviosis*, obtundantur: *aquosa salinis*, & *salina* iterum *aquosis*, mutuis amplexibus colligantur, *spirituose ramosæ volatiles*, *acidas salsasque* particulas amplectantur, *salinae, oleosæ, glutinosæ, viscosæ, & terrestres, spirituosarum* particularum, ac subtilium aliarum dissipationem, impedian, hæ iterum *viscosiores, tardioresque, gummosas terrestresque* dissolvant, portent, ac detineant naturali situ, ac loco, & nonnullæ ad avolandum magis idoneæ, ut sunt *aquosæ, & spirituosæ* avolent, & quarum loca derelicta, iterum à *materia subtili, & aere* occupetur, quibus loca exinanita replentibus, in causa sunt quo magis perrennetur, harum omnium particularum *blanda commotio.*

6 NOVISSIMA IDEA

Per particularum *commotionem*, vel *fermentationem* seu *effervescentiam*, non intelligimus talem, qualem in *cervicia*, *vino*, *massa frumentacea*, vel *triticea*, observare solemus, sed *nisum*, seu *conatum* particularum multifariarum, *materia subtili* commotarum; non secus ac *Clarissimus Cartesius* de luce tractans, probat, omnes lucis proprietates, non tam locali remotione *globulorum* secundum elementum, quam eorundem conatu reperiri: (ut apud ipsam videre licet) utimur autem verbis *fermentationis*, *effervescentia*, & aliquando *commotionis*, quia usitata sunt, & propterea lectorem, de his certiore reddere, vel in fronte hujus tractatuli animus fuit, ut inanis *logomachias* occasionem, præscindere possimus.

Hanc particularum *insensibilium commotionem*, dari in sanguine, arguit vel ipsum earum discrimen, & varietas, quippe ratione ipsius differentiae particularum, necessario commoveri debent: quia *materia subtilis*, tali

FEBRIUM. 7

tali figurâ, ac superficie prædita quæ maxime convenit, cum poris *particularum*, eos secundum lineam rectam permeando, sine ulla fere eorum læsione, particulas ex poris propellit, quæ cum non possint ingredi, poros aliarum *particularum*, necessum est, eas protrudant, ac removeant, hæ iterum alias, & sic ad infinitum, unaquæque enim nititur, ut poros *figura, magnitudini, &c.* ipsarum accommodatos, ingredi possit, in quo consistit *agitatio*, vel *effervescencia particularum sanguinis*: quæ quo major est, eo magis expanduntur cordis parietes, & quo magis hi expanduntur, eo majori impetu, è corde profilit sanguis, antecedentemque in arteria magna contentum, magis propellit, qui velocissimo cursu, per *universi corporis partes* tum progreditur; quippe magis soluta est, misti *strues sanguinis* propter majorem *commotionem*, unde vasa per consequens maximè expanduntur, porique hac expansione ad-

8 NOVISSIMA IDEA

modum apperiantur, & quam plurimis dissolutis *particulis* exitus datur, quæ foras propulsæ, ac in aera dissipatæ, tubulosque aeris ingredientes, aerem in iis contentum comprimendo, *Materiam subtilem* cogunt, ex iis egredi, & per poros particularum avolantium, sanguinem ingredi; quippe *omnia loca corporibus plena sunt, semperque eadem materia partes, equalibus locis coæquantur,* (ut *Clarissimus Cartesius* abunde probavit) quo jam frequentius sanguis per cor circulat, eo magis rarefit & per consequens major spirituum animalium copia in Cerebro secernitur, & major quantitas horum, & frequentius ad cor desertur, nam quo velocius sanguis è corde profilit, eo citius particule spirituosæ, in Cerebro secernuntur & motu circulari, ad cor revertuntur.

Per *spiritus animales* (si forsân dantur in nervis) intelligo, sanguinis tenuissimas particulas, quæ propter soliditatem suam, agitationem quam in corde

corde acceperunt, melius retinent, quam ullæ aliæ & in conflictu, qui in corde est factus, poros suos omnes amiserunt, præter exiguos quosdam, qui primum tantum & secundum elementum possunt admittere.

Quando autem de spiritibus sanguinis frequenter mentionem facturum sumus; paulo fusius, de his opinionem meam palam proferre, non inutile erit.

Ex omnis generis *particulis*, cujuscunque *figura*, *magnitudinis*, *soliditatis*, &c. produci possunt, modo ita dissolvi queant, ut liberum *com-
meatum*, *Materiae subtili*, vel *globulis secundi elementi*, concedere valeant; cum autem *sanguis*, & *chylus* ex quibus originem trahunt hi, congeries sit, particularum valde diversarum, *acidarum*, *salsarum*, *oleosarum*, *aquosarum*, *lixiviosarum subtilium*, ac *acidarum volatilium*, *oleosis*, & *aquosis stipatarum*, *Materiaeque subtili*, ac *aere impregnatarum*; non dubium est, quin hi spi-

10 NOVISSIMA IDEA

ritus consent, particulis figurâ, magnitudine ac motu, plurimum discrepantibus, hoc qui negaverit, facile convincetur omnibus chyli, ac sanguinis tum naturalibus, tum artificialibus dissolutionibus; dubium etiam esse nequit, quin effervescenti illi contingat idem, in corde, quod aliis omnibus, quæ chymicé fermentant corporibus, quorum partes in se invicem insurgendo, tam subtiles redduntur variis degeſtionibus, ac cohobationibus, ut pæne omnes per alembici rostrum transmittantur, & quamvis totus sanguis qui è corde egreditur, fiat hac ratione subtilior, negari tamen nequit, quin permultas adhuc habeat particulas, magnitudine, ac figurâ diversas. In universum mihi videtur, inter particulas has tres differentias statui posse, quæ illarum tres veluti classes, constituunt, in prima comprehenduntur spiritus, in secunda succus alimentarius, in tertia partes sanguinis illæ, quæ sine nova effervescentia membris

bris nostris alendis conducere nequeunt.

Quamvis autem *spiritus*, aliis sanguinis partibus subtiliores sint, non nihil tamen inter eos discriminis intercedit, hocque posito, non dubium est, quin omnium *validissimi* & *solidissimi* sint, qui ad *cerebrum* pergunt, cum rectiorem viam egrediendo è corde, inveniant nullam, illorumque vi, ac activitati magis accommodatam, sed quia dum in arteriis cohibentur, se ab aliis *sanguinis* partibus expedire nequeunt, nonnullas secum semper rapiunt, ad *cerebri* alimentum.

Notandum porro, hos *spiritus* per universi corporis partes delatos, & massæ sanguine cursum sequentes, variis modis, & multifariis muniis infervire.

Per *succum alimentarium* quem in secunda classe posuimus, intelligo, partes omnes *sanguinis*, quæ sunt satis *tenuis*, ut per arteriarum poros transeant, sed non satis, ut inter par-

12. NOVISSIMA IDEA

tium solidarum exiguas fibrillas, transcurrent; ac proinde illarum radicibus adhærent, quas hoc pacto alunt.

Quanquam autem, arteriarum pori, sint valde magno numero, nihilominus omnes *sanguinis* partes, quæ radicibus istis hoc pacto adjungi possent, non adjunguntur; tum quia obstat illarum motus celeritas, tum quia in istorum pororum orificia, non incidunt, atque ab aliis etiam particulis crassioribus, se expedire nequeunt; quibus cum reliquis *spiritibus*, ad cor per venas regrediuntur: & hæ sunt, quas in tertia *classe* collocavimus. Hæc obiter de *spiritibus*, veluti per transennam dicta sunt. Sed iterum ad rem.

Sanguine tandem, propter rationes antea allatas, magis in *corde* exaltante & velocius circulante; respiratio *aeris*, necessario acceleratur, quippe à majori, vel minori ejus *effervescentia*, pendet vel *cita*, vel *languida respiratio*; quo frequentius itaque respiramus, eo plus *aeris sanguini*

guini commiscetur, unde necessario magis commovetur, ac rarefit; hinc sequitur, quoniam *sanguis* propter ejus *effervescentiam*, *resistentiam* in se habet, contra *Atmosphæra* pressurum, quod tunc etiam, minus comprimatur, & tanto velocius progrediatur.

Atque ita satis constat, quomodo perfecta hominis valetudo, dependeat, ab regulari commistione, particularum sanguinis: videamus porro, quo pacto hæc, à *perturbata ejus particularum mistione*, tollitur. Verum enim vero, postquam de *febris* modo tracturi simus, quæ tantum ad scopum nostrum spectant; in medium proferemus.

Suppono sanguinis *perturbatam mistionem febrium* omnium causam existere, quæ nihil aliud est, quam inordinata, ac irregularis particularum *insensibilium sanguinis commotio*, quæ singulæ particulæ, eo loco, *situ*, *figurâ*, ac *numero*, non agitantur, quibus secundum regularem *efferve-*

14 NOVISSIMA IDEA

scientiam, agitari debent, ac solent; adeo, ut hic nimium *acidarum*, illic nimium *oleosarum*, alibi nimium *salinarum*, vel particularum *viscosarum*, vel *terrestrium* reperiantur, unde *spirituosa*, vel obtunduntur, vel in motu suo *circulari*, impediuntur, vel sine utilitate avolant, & *Materia subtilis*, cujus ope in regulari, & ordinata *effervescentia*, hæ particule *insensibiles* agitabantur, & quæ instar fulminis, per *lineam rectam*, eas transmeare solebat, nunc quodammodo in transitu suo, per *lineam rectam*, resistitur, & ob inordinatum harum *situm*, ac *figuram* impeditur; atque sic millesimos meatus, quibus transgredi possit, necesse habeat sibi facere, unde hæ particule, indefinitis modis læduntur, ac sursum, deorsum, antrosum, & retrorsum, inter se agitantur, ac commoventur, & rudimentum putrefactionis, vel quam vocamus *perturbatam mixturem*, in iis moluntur.

In hac *perturbata mixture* concipimus,

FEBRIUM. 15

mus, singulas particulas orbari, iis quibus naturali motu, ac agitatione contineri debent; *acide* exempli gratia *spirituosas*, *oleosas*, ac *terrestribus*, *spirituosas volatiles*, *acidis*, *oleosæ*, amplexibus *acidarum*, sic & *aquosæ*, & *salinæ*, quæ mutuis itidem amplexibus destituntur, atque ita, totius mixti compagis interitum minari; ut in lacte videre licet, *perfectissimi chyli*, ac *sanguinis speciem* præ se ferente, dum rite ejus particulæ inter se commistæ, ac unitæ existunt. Sed ab invicem separatæ, lac ad corruptionem vergit, avolatis nimirum lactis *spiritibus*, post moram quandam, *cremor* sponte à sero fercernitur, ac lac acefcit, cum antea hujus cremoris, vel ejus pinguedinis, avolatorumque *spirituum* ope, particulæ omnes latitantes *acide* ita temperatæ, & cum aliis conjunctæ erant, ut nullo modo distingui poterint.

Et nequis putet, non posse *spiritum acidum*, imo *acerrimum*, late-

re

16. NOVISSIMA IDEA

re in mistis; sulphur vulgare propono, exempli loco; in quo, qui *spiritum acidum* ignorat, is vero rerum notissimarum ignarus existit.

An non talis *spiritus acidus*, in arsenico, vel auripigmento lateat, judicant chymie periti, & qui talem in Mercurio sublimato corrosivo ideo dicto, evidentem, in dulci autem vocato, latentem norunt.

Et quod omnia in mistis existentia, acria, tunc demum manifestantur, quando sublata sunt impedimenta, & vincula, quibus vineta continebantur quasi, & celabantur, non minus conspicuum est, sic *acidus* in sulphure latens *spiritus*, sub corpore insipido, acrimoniam suam manifestat, quam primum accenditur, & à parte oleosa, recedit *acida*. Ab oleosa vero mistorum parte, tegi & obtundi *acidam*, non tantum hæc præfata sulphuris *analysis*, facillima, ac clarissima manifestat, verum cujuscunque *spiritus acidi*, & acerrimi cum oleo lente decocti *synthesis*, & compages, in sub-

substantiam, butyri consistentiam, emulantiem, idem evincit. Non tantum ab *oleo* obtunditur *spiritus acidus*, sed à *volatili spiritu* quoque, sola cohobatione ita temperatur, ut frustra ipsum amplius quæras.

Hæc & similia, *Nobilissima Aratis Spagyrica* experimenta, tam illustrem in rerum naturalium cognitione eruenda, *mentis humanae* tenebris discutiendis, facem promentia; qui alto supercilio despicit, aut calumniatur, næ suam ille ignorantiam putidam, quin in se aliosque homines odium abominabile prodit, indignus certè, qui fruatur bono in bonos duntaxat erogando.

Causas *perturbatae missionis sanguinis*, suspicor esse, primò, inordinatam corporum *compressionem*, qua impeditur, quo minus particulæ nonnullæ, respectu aliarum, vel leves vel graves esse queant, aut æqualem ad effervesendum potestatem habeant; ita ut, altera alteram, nec suppressere, nec in motu suo impedi-

re.

18 NOVISSIMA IDEA

re, queat: nam quæ ita comprimuntur *particula*, ut cedere debeant ponderalium, situm naturalem mutare debent, & proinde alium meatum *Materia subtili* relinquere, quam quo diffundi, per rectam lineam solebat, dum perdunt enim, justam viciniam, *Materia subtilis* diversimode eas permeat, unde particularum destructio, sequi necessum est, ut sequenti exemplo probabimus.

Si Hordeum navi, vel acervo imponatur, & nisi bis, aut ter de die removeatur, facile ad corruptionem inclinatur, scimus sub grani corticem contineri, totum illud, quod æstivo tempore instar arboris, ex ea producit, non secus ac in ovo, compendium pulli latitat: quod non mirum videbitur iis, quibus integrum fuit ac mihi, *Microscopis* indefinita in *humano semine* animalcula videre, quæ vivere, ali, ac moveri omnino debent, æque ac nos, & quidem proprio nutrimento, propriisque organis, quod dubium esse nequit, quin

quin indefinitè minora corpora extensa, concipi possint.

In hoc grano, omnes *particulae*, proportionaliter ad fermentationem dispositae sunt, tam, ratione praecipuorum *fermentorum*, *spirituum*, &c. Quam ratione particularum *viscidarum*, *situ* proprio, ac regulari constitutarum; hinc facile sequitur, omnes *particulas insensibiles* grani hordei, respectu mutuo, graves esse non posse, quippe *agitatione*, aut *commotione*, singulae equalem potestatem habent, ita, ut altera alteram, nec suppressere, nec in motu suo impedire queat.

Cum autem omnia grana hordei, propter mutuam contiguitatem, *Atmosfera* pressurâ, gravia sibi invicem sint, respectu *fluidioris Materiae* quæ grana comprimit; particulae grani compressi, hac pressurâ, situm mutare debent, & per consequens, alium meatum relinquere, quam quo *Materia subtilis*, recta transire solebat, exempli gratia, supponamus

20 NOVISSIMA IDEA

mus texturam primi grani, ejusmodi esse, ut ipsius particulæ, vestigia, vel meatus relinquunt, quibus *Materia subtilis*, ab oriente ad occidentem, vel ab occidente, ad orientem diffundi posset; & quod secundi, ita collocata sit, ut transmeatio hujus *Materia subtilis*, per ipsum granum continuare posset, non secus, ac per duos magnetes, non erunt hæc grana, respectu mutuarum particularum gravia, nec multum invicem comprimunt; è contra, si situs secundi grani, diversus sit à primo, & diversimode comprimatur, *Atmosphæra* pressurâ, diversæ etiam sit indolis & ingens varietas particularum producitur, non solum in jam omnino compressis, sed etiam adhuc integris granis quæ omnes gradu, essentia, natura, situ, ac figurâ, differunt, atque ita necessum est, ut *Materia subtilis*, propter diversum situm granorum hordei, indefinitis modis, lancinet, ac permeat hæc grana, a demque, jam omnino propria

pria perturbata, ac inordinata aliqua dispositione incitata, ad dissolutionem, protinus *Materia subtili* inciduntur, & ad internecionem usque, laxa. ac soluta, misti in granis contenti strues, redditur: quippe granorum *particula insensibiles*, ad proportionatam, ac regularem positionem, disponi nequeunt, ab angustiam loci, vel soliditatem granorum; atque ita, omnes particulae in granis hordei, tanquam ad *prima elementa* rediguntur, praesertim, cum ambiens aer, variis cellulis, à mutua combinatione particularum relictis, iis commoveatur, & negotium non parum promoveat.

Altera causa est, *spirituum*, aliorumque *corporum liquidorum* dissipatio, vel defectus, quorum praesentia, particulae *viscosae*, & *glutinosa*, &c. dissolvebantur, movebantur, & ad iustam fermentationem idoneae reddebantur.

Ut clarè, & distinctè hujus rationes percipere possimus, operæ pretium

22 NOVISSIMA IDEA

tium erit, inquirere, quare *spirituosa particule*, *viscosas*, ac *glutinosas* dissolvant, & quare *aqua*, idem non præstat, rationes has dabimus.

Particulæ *viscosæ* habent *Ranulos*, ac *Brachia* admodum flexibilia, quæque facili negotio igne removeri, ac agitari possunt, atque ita corpus dissolutum efficere, illud idem *spirituose* præstant, quæ proclive *Materia subtili* agitata, motum circulare obtinent, hæ *spirituosæ* particulæ, postquam poros *viscosarum*, ac *glutinosarum*, occuparunt, majorem nanscuntur motum, ope *fermentationis*, quæ naturaliter inter hos esse debet, propter indefinitam particularum mutuarum differentiam, quæ propterea augetur in his, quia augetur differentia pororum, in *viscidis* ac *spirituosis* particulis, qua aucta fermentatione, insurgunt in particulas, quæ motum earum circulare impediebant, superantque hac commotione, *Atmosphæra* pressuram, quippe major datur proportio *fermentationis*

*tionis particularum spirituosarum: cum viscidis, quam pressuræ aeris, atque ita ramuli, ac brachia earum particularum expanduntur, ac commoven-
tur, & laxa, ac soluta fit integra misti-
strues, unaquæque enim sui juris
facta, copiam acquirit, sese dispo-
nendi, ad arctiorem combinatio-
nem, & consociationem cum aliis
particulis, ut in oleosis ac acidis fieri
consuevit.*

Adde, quod hæ ita agitatæ, non
impediant remotionem aliarum par-
ticularum, sine qua, recta commo-
tio *fermentationis* impeditur: *aqua*
verò, ex crassioribus particulis con-
stans, minoremque fermentationem,
propter simpliciorum elementorum
compositionem habens, minusque
Materia subtilis admittens, & magis
Atmosfera pressurâ coarctata, pro-
pter contrarias quas attulimus ratio-
nes, in *spiritibus* esse; idem efficere
nequit.

Spirituose porro, non solum *visci-
darum* dissolutionem producant, sed

&

24 NOVISSIMA IDEA

& anſam dant, diſſipationi *aquofarum*, unde proprio ſitu omnes collocari queunt; ita ut beneficio huius perfectæ unionis, ſecretio corporum *Heterogeneorum*, & iuſta commiſtio omnium aliorum, efficiatur, ac conſervetur, ita ut *ſalina viſcidis, acida oleoſis, craſſiores ſubulibus*, talem inter ſe proportionem conſervent, ut omnes blanda, ac iucunda *harmonia* temperentur, ac commoveantur; irregularis motus, facile ex *diſſipatione ſpirituum*, vel eorum inopia, deduci poteſt, ut poſtea clariuſ videamus.

Tertia cauſa referri poteſt, ad *ſpirituoſarum* particularum *ſuffocationem*; ſuppreſſæ enim, coactæ ſunt commorari, loco, in quo ſunt, ut in *ſanguine* coagulato apparet, atque ita ſpatium motui circulari peragendo neceſſarium, amittunt.

Hanc *ſpirituoſarum* particularum diſpoſitionem, producunt omnes cauſæ, tam interne, quam externe, quibus *ſanguis* impeditur, quo minus
vel

vel regulariter *effervescere*, vel sufficientes *spiritus* scernere, vel producere possit. Ex. gr. *Pituita*, vel nimia *glutinositas* in sanguine scattens, vel *narcoticus spiritus*, vel *acidus*, &c.

Inter *externas causas* merito recenseri possunt, *aër*, variis modis vitatus, nimium *animalium functionum* exercitium, *vigiliae* perseverantes, *anime vexationes* qualescunque, *inquietudo moror*, *tristitia*, *agitatio corporis* continuans, *sanguinis*, *lactis*, *seminis*, *bilis*, aliorumque humorum *effusiones* *magna*, denique *alimenterum spirituosorum*, hoc est quovis modo spiritu volatili abundantium neglectus, vel penuria, & abusus *fructuum crudorum*, &c. Superfedemus enim, latum hunc campum ingredi, sufficiat dixisse, quod sicut observamus, omnia corpora extra nostrum *fermentescibilia*, si vel fulmine, vel aliqua alia causa, ad irregularem *fermentationem* incitentur, statim ad *putrefactionem* verge-

re, & acidiora, acriora, austeriora, ac tenuiora evadere, quoniam particulæ fermentiscibiles, se internecione ita destruunt, conterunt, perterebrant, ac dissolvunt, ut protinus destituantur iis, quibus in ordinato, ac regulari motu, ac situ retinebantur, ut patet in lacte, & cervisia quæ hisce causis, facile acescunt.

Par omnino ratio est, chyli, ac sanguinis, vel à causa interna, vel externa, propriis, ac necessariis fermentis, & particulis, vel destituto- rum, vel vitiatorum.

Quod cor, vel sanguis in corde, heterogeneis corporibus acidis, vel aliis affici possit, ut exinde febris excitetur, ex autopsia constat. Nec minus, si acidum purum quoddam, in canis viventis venam jugularem injiciatur, constabit, quod evestigio, vel in convulsiones incidet, vel morietur canis, non solum, quia quantitas istius acidi puri, excedit acidum, quod naturaliter, vel in ventriculo, vel in ipso sanguine re-

pe-

peritur; sed quia *acidi puri* particulæ, plane diversum *situm*, à sanguinis particulis in *statu naturali* constitutis habent, canem enecant: Hinc concludimus, sanguinem non modo affici, quia plus *acidi* ipsi admiscetur, sed etiam, quia *heterogeneo acido* infestatur, exemplo dilucidabimus.

Supponamus itaque, singulis pulvis in *cor* ingredi, drachmam sanguinis (quanquam re verâ, tres unicæ ipsum ingrediantur) ibique rarefieri: si admisceatur jam ei, *acidi heterogenei* scrupulus, facile apparebit, minus *acidi* existere in drachma *sanguinis*, quam in *acidi* scrupulo, quoniam nullas fere *acidum* habet sibi commistis particulas, cum in drachma sanguinis, plurimæ particulæ *spirituose*, *oleosæ*, *terreæ* contineantur, & majori *Materia subtilis*, aerisque quantitate imprægnatus sit, quam dictum *acidum*; deinde, particulis longe dissimilibus, *sanguinis* particulis, *acidum* constat, & longe plures meatus, habet *sanguis*, quam *acidum*, cele-

28 NOVISSIMA IDEA

riusque ejus particulæ agitantur, quam *acidi*, & propterea non mirum videtur, si naturalem ejus *commotionem*, ac operationem impediat, non enim tantum *salis lixiviosi, fixi, & volatilis* in drachma *sanguinis* continetur, quantum ad oppositionem scrupuli *acidi puri* requiritur, ex-
grat.

Supponamus, in drachma *sanguinis* contineri 1600. particulas *salis lixiviosi, fixi & volatilis*, & ad æquipollentiam ejus, 800 particulas *acidarum*, 500 *spirituosas*, 600 *aqueas*, 900 *salis fixi*, & sic porro particularum *oleosarum*, ac *terrestrium* contineri, quæ præter propter, justam particularum omnium æquipollentiam, constituunt; Sint jam 2000 particularum *acidarum* in *acidi* scrupulo, diversæ tamen *figuræ*, quam *acidæ* particulæ, quæ in *sanguine* continentur, concomitantibus *acidarum*, aliis particulis, diversæ *figuræ*, *magnitudinis*, ac *motus*, contrariis particulis in *sanguine* existentibus.

bus, illico ex horum supputatione innotescet, advenientibus hisce *acidi puri* particulis, priorem commotionem *sanguinis*, impeditum iri, cum in *sanguine*, tantum modo erant particularum *acidarum*, quantum ad temperamentum *salis lixiviosi*, *volatilis & fixi*, necessum erat, accidentibus demum, hisce *acidis heterogeneis*, & minor agitatio, seu *effervescentia*, in *sanguinis* particulis, & depravata, vel *perturbata* mistio, exinde oriri debet, quippe nullæ particulæ, in *sua naturali* detineri queunt, & proinde perperam, inter se commiscuntur, minoremque in *sanguinis* particulis *commotionem* causantur, quia *subtiliores*, & *spirituosa* ineptæ redduntur, dissolvendis *viscosioribus*, *tardioribusque* (ut supra insinuavimus) imo opprimuntur, ac suffocantur, & hinc minor *commotio* particularum, quia minor influxus, *Materia subtilis* datur, & quia minor *effervescentia*, proinde major pressurâ *Atmosphæ*,

30 NOVISSIMA IDEA

& minor resistantia contra aeris pressuram; *viscosiores* enim, quæ antea, dum rite omnes commistæ erant, à *spirituosis* dissolvebantur, ac sustinebantur, jam arctius invicem agglomerantur, & particulas *aquosas* impediunt, poris egredi, hæ iterum *Materiam subtilem* ingredi, ut postea in dissertatione de *insensibili transpiratione*, quam huic tractatulo subjungimus, clarius ostendemus.

Ex tali *sanguinis* particularum *effervescentia perturbata*, necessario sequi debet, tardior *sanguinis* progressus, ad universi corporis partes, nam *sanguis perturbate* commistus, se tantum extollere nequit in *corde*, nec *cordis* parietes ita expandere, nec proinde, *sanguinem* tanta vi, in *Arteriam Magnam* propellere, tardior etiam est affluxus, & minus copiosus *spirituum animalium*, ad *cor*, unde minor *cordis* contractio, & protrusio *sanguinis*, in *arteria* contenti, & minus velox circulatio, & major pressura *Atmosfera*, &c. Ut postea clarius videbimus. Ab

Ab hac tandem, *perturbata sanguinis particularum insensibilium, commotione*, quam belgicè *Broeyinge* nuncupamus, nescio an tam bene anglicè sonat, *beats* (quando fœnum non satis siccatum, non calorem modo, sed & flammam ipsam frequenter producit) quaque *sanguinis* velox circulatio diminuitur, *febres omnes* prosapiam suam; ducere, non falsò suspicamur.

Si observemus (quod omnino fieri oportet) in affectuum latentium aut controversorum, *naturâ investigandâ, practicorum* morem, atque signa, ex quibus de *febris* præsentia ipsi, & alii omnes concludere solent, facile patebit, ex solo *pulsu* prater naturam frequentiore, ipsos *febrem* arguere; quippe quo præsente, adesse, absente autem, *febrim* abesse, pronunciant cuncti.

Pulsus dico prater naturam frequentiore, cum insuper observetur, & *naturalis*, & non *naturalis* *pulsus* frequentior.

Naturalem voco *pulsus* frequentiore,

32 NOVISSIMA IDEA

tiorem, qualem à natura, hoc est à naturali, ac peculiari corporis sui constitutione, sicum aliis conferantur, habent aliqui etiam sani.

Per *non naturalem pulsum frequentiore* intelligo, istum, qui propter aliquod in *rebus non naturalibus* dictis, patratum erratum à naturali desciscit, atque ipso frequentior, ad tempus existit, absque tamen ulla notabili, tum simul apparente molestia in corpore, *functionisve lesione*, sic ad *aeris aestum*, aut corporis *motum vehementiorem, iram, vigilias protractas*, quo & nimiam *mediationem* refero, *vinigenerosi potum largiorem, &c.* Non raro *pulsus* excitatur solito *frequentior*, qui quoties sublatis, sedatisque causis enumeratis, ad pristinum redit statum, & raritatem consuetam, nec alienam corpori affert, aut post se relinquit noxam, non incommode *non naturalis* nomine videtur indigitari.

Pulsus vero *præter naturam frequentior* mihi censetur, qui ab erro-

re quidem externo, in memoratarum rerum *non naturalium* abusu, commisso, semper forsan ortus, conjunctam, vel mox subsequentem habet, notabilem corporis molestiam, doloremve, atque adeo *functionis* alicujus, ad *vita naturalis beatitudinem* requisitæ, labefactionem.

Præter quem *pulsus præter naturam frequentiore*, cum hætenus aliud signum observatum sit, & manifestum nullum, quod *febri* omni, *soli*, ac *semper* competat, & adsit, concludimus merito, id solum, & unicum habendum, pro signo *febris Pathognomonico*.

Perperam judicarunt, etiam *peritissimi* in arte medicâ Viri, *pulsus frequentiore*, in febribus, auctæ circulationis, & effervescentiæ seu rarefactionis sanguinis, signum esse; sed pace Clarissimorum horum virorum, licebit, opinionem hanc, tanquam erroneam rejicere, & contrariam firmiter stabilire. Et primo, *sanguinem* in febribus minus effervesce, len-

34 NOVISSIMA IDEA

tius *circularē*, deinde, à sanguine minus *effervescente*, & *viscoso*, *pulsum naturaliter frequentiore*, oriri, vel saltem *sanguinis nimiam rarefactionem*, ejus *causam* nequaquam esse posse, probaturi sumus.

Quo ad primum, ex precedentibus ni fallor satis constat, *sanguinem* in *febris*, *perturbatè commistum*, & ejus particulas *spirituosas*, vel *compressas*, vel *viscosas suffocatas*, vel *acidis acribus*, vel *salinis, enervatas* esse, unde regularis *sanguinis effervescencia* *perturbari*, & minor fieri, necessum est: quippe particulæ *spirituosa*, quibus misti strues, magis *soluta*, & *laxa* reddi debet, à *viscosis* & aliis *heterogeneis*, quasi *vinculis retentæ*, minus *motus suos circulares* promoveri, & *Materia subtili*, liberum *commeatum* concedere valent, quæ *Materia subtilis*, omnes particulas *fermentescibiles*, *regulari*, ac *ordinatâ commotione* conservare, ac in *nisi* seu *conatu*, eas continere solebat, jam vero, *diversimode* eas destruit; adde

adde quod *sanguis* ita constitutus, tantam *aeris* copiam non admittit, nec per pulmones, propter inordinatum, ac irregularem ejus particularum *situm*, nec per poros, propter magis impeditam *insensibilem transpirationem*; dum enim minus expanduntur vasa, ut in *perturbata sanguinis commotione*, ac *mistione* fieri consuevit, (sicut mox clarius probabimus) minor copia particularum *aquosarum* avolat, & minor *aërearum*, ac *Materia subtilis*, *sanguinem* iterum ingrediuntur, & per consequens, minor ejus *effervescentia*, seu commotio exinde produci debet: super sedemus hîcadferre, plurima experimenta, quibus luce meridiana clarius constat, *sanguinis effervescentiam*, seu commotionem, *heterogeneis*, seu *acidis*, seu *acribus*, ac aliis particulis impediri, & à suffocatione ejus *spirituosarum* particularum, omnino tolli posse.

Quo minus jam *effervesceat sanguis*, eo magis pressurâ *Atmosfera* com-

36 NOVISSIMA IDEA

primitur, & strictior compages sit, minusque idoneus existit, ad intumescendum; particulæ enim *fermentescibiles* cujusvis corporis misti, *fermentando* se attollunt, aut intumescunt, & in se invicem insurgendo, ita agitantur, ut destruant particulas *viscosas*, quæ motum circulare particulæ spirituosarum, impediunt; & quia major est proportio agitationis, in particulis *fermentescilibus spirituosis* cum *viscosis*, quam pressuræ corporum externorum, facile *Atmosphæra* pressuram exsuperant, atque ita intumescunt, si vero strictior sit compages *sanguinis*, minus intumescit, minusque expandit *cordis* parietes, & minori impetu profilit è corde, *sanguinemque* in *arteria magna* contentum, minus propellit, & quia ob eandem rationem, minus expanduntur *arteriæ*, *sanguis* minori vi protruditur & per consequens lentius progreditur.

Adde, quod quia minus efferve-
scit, ac mole intumescit *sanguis* in cor-
de,

de, ejus parietes crebrius contrahuntur, tum quia tantum temporis non requiritur ad expansionem mediam, quam integram, tum quia *commotione*, & intumelcentiâ *sanguinis*, ac expansione musculorum *cordis*, crebra ejus constrictio impeditur, quod mechanica ratione conspicuum est. Cum jam citius, & frequentius constringantur *cordis* parietes, quia minus *effervescit sanguis*, sequitur quod immaturé & celerius quam fas est, è corde propellitur, unde particularum *rarefactio* inæqualiter absolvitur; aliæ enim crassiores sunt, dum aliæ omninò subtiles, hinc arcta unio particularum vitiatur, & æqualis proportio, inter particulas ejus *insensibiles*, & *vasa* tollitur, unde nec rite discerni, nec deflecti queunt, & tardiores procedant necessum est: hæc ratio, nobis non minus inservire posset, quam aliæ quas jam in medium proferemus, ad probandum *pulsus frequentiore*, non esse argumentum *velocioris cursus*, vel auctæ *rarefactionis sanguinis*.

38 NOVISSIMA IDEA

Si cui animadvertere libuerit, quam frequenter *cor*, cujusvis animalis avullum, *sanguine* plane destitutum, ac mensæ impositum pulsitet, facile comperiet; *pulsus* frequentem, non dependere à *velociori circulatione sanguinis*, cum vel sine *sanguine* *cor* pulsitet.

Deinde, in *februm* horrore, ac frigore vehementi, *pulsus* observari præternaturam etiam frequentiore, æque ac in calore subsequente, cum jam non ita venimus ad summum, ut quis sanæ mentis ausit asserrere, *sanguinem* in *februm* horrore, admodum *calidum*, ac valde *rarefactum* existere, aut rapido cursu progredi, vel per vasa circulari, quod tamen necessario fieri deberet, si *pulsus* frequens calorem, ac *sanguinis rarefactionem*, pro causâ sua agnosceret, concludere meritò possumus, causam ejus, à *sanguinis rarefactione*, ac nimia *effervescentiâ* non pendere, atque ita si *cor* frequentior pulsitet sine *sanguine*, pulsitare etiam frequenter

po-

potest, existente eo *viscido*, ac coagulato, quoniam non solum à *sanguine* pendet pulsus.

Nam cum *cor* sit musculus, ejusdem *naturæ* ac cæteri muscoli artuum, ut oculari inspectione constat, præsertim si ejus fibræ carnosæ turgidæ & crassiores per elixationem reddantur; vel ut *Clarissimus Lœnner*, & *Laurentius Bellinus*, qui exactam cordis contexturam indagarunt, dissolvendo fibrarum perplexam colligationem adinstar glomi; deinde cum sensu constet, quod quando *cor* agit pulsando, non secus ac cæteri musculi, tota ejus carnosâ substantia inflatur, dirigitur, tenditur, induratur maximo impetu, quod contingit ex ipsâ cordis structura, & influxu *spirituum*; proclive est, *cor* iisdem *motibus convulsivis* affici posse, ac cæteros musculos; & re verâ, *pulsus frequentem cordis* nil aliud esse, quam motum ejus incitatum, vel convulsivum, apparebit, si observare velimus, quod ex iisdem partibus integralibus com-

40 NOVISSIMA IDEA

ponatur, nempe ex fasciculis fibrarum carnosarum, ejusdem substantiæ tendinosæ contrahibilis, ejusdem figure, eodem modo dispositæ, & alligatæ, simili modo à *nervorum* ramificationibus penetratæ, & similiter à *sanguine* ab *arteriis* irrigatæ.

Deinde actionem fibrarum *cordis*, æque ac musculorum *artuum*, agere sui inflatione, & directione solo influxu *spirituum*, qui vel flexibiores redditi, vel *acriori salsedine* affecti, vel *concitatiore* & *irregulari* motu agitati, vel simplici *motu* accelerati, ut in *ira*, ratione diversæ *qualitatis*, diversum *motum*, in *cordis* motione, producunt, nulla quidem habita *sanguinis* ratione; si enim *contractio*, & *dilatatio cordis*, à *sanguine* ingrediente, vel è *corde* egrediente produceretur, impossibile foret, *cor* avulsum, tabulæ impositum, ac *sanguine* spoliatum, tam frequenter pulsitare posse: quod si verum sit, ut abunde probavit, *Clarissimus Borellus*, *cordis* motum fieri posse, necessitate organica,

nica, non secus ac *automa* movetur, ut plurimus argumentis dilucidavit, *Lib. 2. pag. 153. ad 157. &c.* Meritò concludimus, *pulsus* seu *tardior*, seu *celerior*, solo motu *cordis* oriri.

Par omninò est ratio *arteriarum*, quæ admittentes *sanguinem*, eum continuâ *contractione*, exiguarum fibrillarum propellunt, non autem propriè *sanguinis* ope.

Hinc sequitur, *cor*, & *arterias*, celeriter se *dilatare*, & *constringere* posse, vel non existente *sanguine* valdè rarefacto, ac calido, & in *motu* aucto, quinimo, frequenter illud posse, illo existente *viscoso*, *frigido*, ac *lento*; non inficias tamen imus, *sanguine tardius circulante*, & *viscosiori*, *cor* necessariò debere, ratione ipsius *sanguinis*, frequentius *constringi* & celerius *pulsare*, & quem unâ pulsatione, *sanguinem crassior* nequivit, crebris, ac reiteratis *pulsibus*, propellere; tam, propter rationes jam datas, quam propter necessariam sequelam; nam
si unâ

42 NOVISSIMA IDEA

si unâ contractione cor sanguinem integrè excernere nequit, propter ejus impeditam contractionem integram ratione viscositatis sanguinis, illicò se iterum expandit, moxque iterum constringit; & hinc causa frequentioris pulsus, & tardioris progressus, vel circulationis sanguinis.

Eodem modo res se habet in arteriis; quippe sanguis egregiè rarefactus, compressioni arterie obtemperat, ceditque, & celerrimè progreditur, magis enim expanditur arteria, propter rationes antea datas, & magis comprimitur; quia citius progreditur, hinc plus temporis requirit, antequam se ipsam expandit arteria; contrarium autem in sanguine viscoso, quando arterie semel se dilatant, & mox iterum se contrahunt, unde necessariò pulsus frequentior est, quamquam sanguinis circulatio tardior; è contra, si sanguis existat rarefactus, & velocissimo cursu progrediatur, pulsus tardus est, quoniam cor & arterie contradictione sua non impediuntur

tur quia *constrictioni* morem gerit, ceditque *sanguis rapidissimè* profluens. Ita ut *arteria* firmiter *constricta*, æque ac *cor*, momenta nonnulla requirant magis, antequam se iterum dilatare queant.

Cum ita se res habeat, non mirum videbitur, quare vel primis paroxysmis, *fibrientium* vires usque adeo prostratæ sunt, ut vix pedibus subsistere queant, quippe cum minori impetu, profiliat è *corde sanguis*, & in *arteria* antecedentem minus protrudat, & pauciores *spiritus animales* sic vocati, in *cerebro* secernantur, & minori copiâ ad *cor* ad ejus *contractionem*, & ad universum corpus ferantur, proclivè innotescit, debilitatem hanc produci, à *parciore*, ac *pauciori*, & *depravatâ* dispositione *spirituum*, & eorum distributione, vel translatione ad musculos.

Quibus rectè perpensis, non dubito, quin facile percepturi simus, quare in *sanguine perturbatè commisto*, vel *febris*, *pulsus præternaturali*.

44 NOVISSIMA IDEA

raliter frequentiore observemus, quamquam minus in corde *effervescat sanguis*, & *tardius per vasa* profluat, quippe *sanguine perturbatè commisto*, minus expanduntur *cordis parietes & arteria*, quia minus *effervesce*it, ac mole intumescit, & ob eandem causam citius *constringuntur*, & *pulsus frequentior* est, quia minus expanduntur, & frequentius *constringuntur*, tardiusque progreditur, quia minori impetu, in arteriam magnam propellitur, minorique vi antecedentem *sanguinem* protrudit, atque ita à *perturbatâ sanguinis* mistione, & diminutâ ejus *effervescentiâ*, ac *tardiori ejus circulatione*, *pulsus præter naturam frequentiore*, non immeritò deducimus.

Quum inter plurima *februm* multifariarum *symptomata*, meritò tanquam *primaria*, & *frequentiora* numerentur, *frigus*, & *calor*, inquirendæ sunt sedulò horum *causæ*; quibus perspectis, determinatisque, non erit forsan valdè arduum, *febres diversissimas* licet, explicare, & ab infinitis

mitispenè difficultatibus, & à quovis movendis, animum veritatis avidum extricare. Ut proindè, missis aliorum de hâc re opinionibus, (unicuique namque suam probandam censeo) quod mihi etiam nunc verum videtur, paucis proferam.

Calor naturalis in humano corpore producitur, *commotione* regulari, ac æquali *particularum* omnium *insensibilium sanguinis*, & subitaneo *Materiae subtilis* cum particulis *spirituosis*, per eas transitu, ut postea clarius demonstrabimus.

Si calor itaque hisce causis oriatur, necessariò *frigus*, à contrariis produci debet, quando ergo *diminuta*, vel *inordinata* est, particularum *fermentescibilium sanguinis commotio*, & transitus *Materiae subtilis* per eas impeditur, necessario *frigus* in corpore producitur; nam quia istiusmodi constitutus sanguis, se ad omnia vasa accomodare nequit, propter vitiatam proportionem ejus particularum cum *vasis*, per quæ *vasa*, ac *vascula* necessario

46 NOVISSIMA IDEA

sario moveri debet, & quidem à *regulari*, & *equali* *mistione* particularum, cum proportionatâ celeritate; (quippe quæ, ipsi jam sublata est, propter minorem *expansionem*, & minorem impetum profluentis *sanguinis* è corde, & alias rationes jam datas,) tardius progredi in *vasis*, necessario debet; & sanè quod in *februum* *horrore*, *tardius* circulet *sanguis*, *experientiâ* indies probatur, quippe incipiente *paroxismo* cum *horrore*, *agrorum* manus, pedesque pallent, lividique apparent, ac frigent, unde alias amabo? nisi quod tam citò non propellitur, ut tam maturè quam solet, ad *corporis* partes remotiores, permeare posset; nam *quo diuturnior est causa*, *eo major est effectus*; sumat sibi quispiam, frustum glaciei, quo fricato aliquam *corporis* partem, compariet minus frigesieri, pars hoc modo affecta, quam si plane inhæreat per idem tempus eidem parti, sine ulla agitatione; ita etiam res se habet, in *sanguine perturbatè commisto*, non dubium

bium namque est, quin istiusmodi sanguis, propter compressos, suffocatos, avolatos & deficientes spiritus, & admistas iis acidas particulas heterogeneas, acidam diathesin acquirat, ob rationes supra allatas, & quidem præcipuè, quia destituuntur iis quibus temperari debent, acidum ex: gr: spirituosiss, & aquosis particulis.

Dubium etiam esse nequit, quin humores omnes, ad glandulas universi corporis delati, scilicet ad glandulas oris, faucium, ventriculi, intestinorum, &c. & à sanguine, aciditate nimia scatente secreti, fermentis in istis glandulis contentis, eandem depravatam dispositionem, quam in se ipsi habent impertiant, qui iterum vitiatum, & nimis acidum fermentum alimentis, chylo, & lymphæ subministrant, & ad cor delati, aciditatem sanguinis augent. Cum jam acidum causam frigoris in se contineat, sequitur, quod quo diutius parti fixæ inhæreat, eo majori frigore, illam afficiat, quo ergo tardius pro-

48 NOVISSIMA IDEA

progreditur istiusmodi *sanguis perturbatè commistus & aciditate scatens*, eo plus temporis habet frigore afficiendis *nervorum fibris*: è contra, si velocius transiret, eo minus, quippe si fieri possit, ut *sanguis* eandem indolem in *corpore humano* retinere posset, quam ipsi attribuimus, & nihilominus decies velociori cursu, per *vasa* profluere, tantum *horrorem* producere nequiret, atque ita meo iudicio *rationi*, & *veritati* consentaneum est, ingens manuum, ac pedum & presertim *februm intermittentium* frigus, à lentiori sanguinis *circulatione* produci, & hanc ab *aciditate nimia perturbatam missionem* in *sanguinis* particulis *insensibilibus* excitante.

Altera ratio *frigoris* in remotioribus *corporis* partibus, hæc esse potest, continuò suas caloris exacerbationes, *sanguis* acquirit in *corde*, quarum *cause* sensim desinunt, & necessario minores in remotioribus partibus sunt, ubi procul absunt à *causis*, quam propè *cor* ubi *fons*, & vera

cau-

causa hujus caloris exacerbationis existit, sic desinente omnino sanguinis effervescentiâ post obitum, corpora sensibus nostris frigida apparent, atque ita demonstravimus à diminutâ & tardiori sanguinis circulatione februm horrorem, deduci debere.

Sed quoniam frequenter mentionem facimus de *compressione*, vel depravata constitutione *spirituum*, operæ pretium est, hanc paulo fusius explanare, præsertim, cum dilucidationi *horroris februm* inserviat admodum.

Ut illud fieri commodè possit, hæc perpendenda sunt, scilicet quomodo constituti sint *spiritus*, in *sanguine perturbatè misto* ante eorum secretionem; secundo quomodo secernantur in *cerebro*, & *cerebello* ita constituti; tertio quomodo agitentur, & per universum *corpus* ferantur.

Diximus supra, *spirituosas particulas in sanguine perturbatè misto, compressas & in motu naturali impe-*

C ditas

50 NOVISSIMA IDEA.

ditas esse, per quem *motum*, non solum intelligimus, *circularem* eorum *expansionem*, sed talem, qui proprio *loco*, ac *situ* fit, & non in viciniis aliarum particularum; atque ita, hos *spiritus* non tantum ab aliis *oppressos*, sed etiam, perperam collocatos esse, quod in eo consistit quod plures *particulæ salinae volatiles*, commistæ sint aliis *oleosis*, quam naturaliter requiritur, quodque *salinae* plus combinatæ sint *acidis* quam fas est, & sic de aliis particulis *spirituosis*.

Quanquam autem *perturbata* existit *sanguinis mistio*, non cessat tamen *spirituum* productio, qui à *subtilioribus* ejus particulis *secerni* solent, ac debent, quippe *sanguis*, quanquam perperam *commistus*, non desinit tamen *effervesce*, sed *minus*, ac magis *irregulariter*, unde tanta particularum onnium *dissolutio* fieri nequit, & per consequens minor *quantitas spirituum* produci debet; magis *irregulariter effervescit sanguis*, quia
par-

particulæ spirituosæ, quarum ope *viscosæ* solutam compagem acquirunt, tam confusè cum iis commistæ sunt, ut nihil præstare possint, & propterea propriis locis non constitutæ, non sustinent regulares functiones obire. Secundo animadvertendum quomodo secernantur in *cerebro* hi *spiritus*.

Æterna veritas est, omnes secretion-
nes è *sanguine* in humano corpore, certis, & appropriatis organis, accomodatis namque ad diversam *particularum sanguinis insensibilium* structuram, *agitationem*, vel *motum* fieri debere; quibus rectè perpen-
sis, quam plurima *phenomena* quo-
rum confusa nobis antea idea fuit, clarè, ac distinctè nobis aparebunt conspicua, nec minus *perturbata no-*
stra mistio sanguinis.

Ponamus itaque ob oculos, *sanguinem* jam malè ut diximus consti-
tutum, cum *spiritibus* suis oppressis
perperam collocatis, commotisque,
illicò apparebit, proportionem *va-*
sorum, quibus in *cerebro* secerni de-

52 NOVISSIMA IDEA

bent, cum æquali proportionem *mi-*
stionis, *commotionis*, ac *quantitatis*
spirituum sublatam esse, ita ut im-
 possibile sit, tantam copiam *spirituum*,
 iusta regularitate, in *cerebro* secerni
 posse, quam sanguine bene con-
 stituto, nam primo probavimus,
sanguinem perturbatè mistum, tanto
 impetu non proflire in arteriam ma-
 gnā, & per consequens, minus
sanguinem in ea contentum, pro-
 pellere, cujus *diminuta* particularum
propulsio, in *causa* est, quo minus
 longas ambages, *cerebrique* anfractus,
 meandrosque permeare possit.

Deinde eo impeditur secretio *spi-*
rituum è *sanguine*, quæ ab affluxu
 particularum, & earum propulsione
 à tergo, perfici debet: adde, inep-
 titudinem quam *spiritus* hi habent,
 sese à compedibus liberandi, vel ita
 se sui juris faciendi, ut facili negotio,
 se ab aliis *viscosis* particulis expedire
 queant quod omninò ad eorum secre-
 tionem requiritur.

Denique, non parum *figura*, ma-
 gni-

gnitudine, ac motu differunt, unde inordinata serretio necessariò sequitur, utpote non convenientes hi *spiritus*, cum *figurâ*, *situ*, ac *magnitudine vasorum*, nec incidentes in poros eorum ritè, ac ut solent, regulariter secerni in iis nequeunt, unde minor copia eorum producitur, & in *sanguine* existit, & ad cor ad ejus *contractionem* defertur. Hinc sequitur, quod *sanguine* sic constituto, *spiritus* procreantur *pauciores*, *crassiores*, seu *viscosiores*, *tardioresque* quam *naturaliter* solent, *veritas* enim *conspicua* est, eandem indolem nansisci *spiritus*, quam habet *sanguis* ex quo generantur. Quod tam manifestum est, ut millenis argumentis non indigeat probari. Quo ergo majorem patitur *perturbationem sanguis*, eo major *spiritibus* impartitur, imo eandem quam *sanguis* patitur, & hinc luce meridianâ clarius apparet, quo pacto, ac quare minus agitantur *spiritus*, scilicet quia minus *exaltatur*, & *effervesce* *sanguis*, unde iterum

54 NOVISSIMA IDEA

sequitur, quod minori *velocitate*, per *universum corpus* ferantur, & minori *quantitate* eo delati, inser-
viendo *sanguini* impares reddantur, ac ad ipsi suppetias ferendum *motui*,
vel *agitationi particularum insensibi-*
lium omninò inepti.

Ex precedentibus ergo facile videri
potest, quo pacto, ex tali *perturbatâ*
spirituum dispositione, *sanguinis ve-*
locitas in circulando diminui debeat,
& ab hac, *frigus* in corpore produci,
& ut illud clarius adhuc pateat, ne-
cessum est, ut non solum habeatur
ratio secretionis *sanguinis* in *cerebro*,
sed & omnium *succorum* qui certis,
& appropriatis organis, per *univer-*
sum corpus secerni solent, qui omnes
succî â depravatâ *spirituum* constitu-
tione, vel ab eorum *defectu* affici so-
lent. Quippe hinc *fermentatio* con-
tentorum in *ventriculo* minor est, &
vitiata, ut & in *tenuibus intestinis*,
minus enim elaboratum, & *spiritibus*
refertum fermentum, ad *ventriculum*,
ejusque *glandulas*, & *intestina* defer-
tur

tur: *succus pancreaticus*, & *bilis* diversimode hoc modo afficiuntur, & inepti redduntur obeundis muniis suis; *insensibilis transpiratio* minor est, & per consequens tanta copia *Materie subtilis*, ac particularum *aëriarum sanguinem* non ingrediuntur per poros, & ut verbo dicam, omnes *naturales læduntur functiones*, ita enim combinatæ sunt omnes, ut nihil *heterogeni* afficiat sanguinem, quin singulæ suas patiantur læsiones, quibus observatis, & cum aliis connexis, non arduum fore arbitror, *essentiam horroris in febris* arguere.

Postquam obiter opinionem nostram de *februm horrore* exposuimus, necessum est, *calorem* etiam ab *hypothesi* nostra deducere.

Non mirum me herculè quod *Phænomena* tam contraria, multum facellere negotii plurimis, etiam *clarissimis Viris*, quo ad *februm* definitionem, credebant enim nonnulli, *calorem* ad *febris essentiam* pertinere.

56 NOVISSIMA IDEA

Enim verò quamvis plerisque *febribus* comes sit, *universi corporis calor auctus*, quoniam tamen is non omni, nec soli, nec semper competit *febri*, non ad ejus *essentiam* pertinere, non falsò credimus, nam non soli *febri* competit *calor*, in *universo corpore auctus*, cùm non rarò in *maniacis*, aliisque nullomodo *febricitantibus*, deprehendatur *calor naturali auctior*.

Sed nec *omni febri* conjungitur, cùm nonnunquam occurrant & suo, & aliorum adstantium, & *Medicorum* ipsorum calculo *febricitantes*, ut ipsi sæpius vidimus, in quibus nunquam, neque per septimanas aliquot, imo menses, observatus est in ulla corporis parte, ne dum universo corpore *auctus calor*, vel ipsis *agris* aliisque *Medicis*, vel cæteris adstantibus, sed contra, *frigus* perseverans, *agrisque* valdè molestum, & adstantibus omni tempore manifestum.

Nec obstat, quod aliquis ex præjudicio, contra propriam, aliorumque

que ac imprimis *agrotantium* sensum absurdè urserit nec tamen probare potuerit, *calorem* fuisse, nihilominus in *agrotorum* utpote *febricitantium* corde tunc auctum, quod ipsum confutavit *experientia*, pejus enim habuere semper *agri*, ab assumptis medicamentis refrigerantibus, melius verò à calefacientibus, tum *spirituosus*, tum *oleosis* aromaticis, ut illud etiam apparet, in *febrium* *intermittentium* initio, quando plerumque affligat *agros frigus*, idque non rarò ad horas plures durans, falsi ergo meritò arguitur hæc sententia, atque ita concludimus, *calorem* & *frigus* non esse *febrium* essentiam, sed qui à *febri* ipsa producuntur *effectus*, *febris* enim ne momento quidem eodem statu manet, nec *perturbata mistio* nunquam ejusdem indolis, aliàs nec augeri, nec diminui *febris* posset, sed semper iisdem symptomatibus stipatam se ostenderet, quod *experientiâ* quotidianâ falsum esse constat, quia *agitatio*, & *commotio* *particularum*

58 NOVISSIMA IDEA

desinere nequit, sed continuò ad integram *particularum* dissolutionem perseverat, *fermenta* enim, ac *spirituose particule*, omnes alias ad inter-necionem conterunt, & solutam misti struem reddunt propter *perturbatam* quam in se continent *mistionem*, quam veritatem agnoscimus, in omnibus corporibus vel ad putrefactionem vergentibus, vel jam putrefactis, nec non, in *acido chyli particulas* coagulante, quæ sensim dissolvuntur, secundum *mistionem* quam inter se *insensibiles particule* habent, quamdiu enim contrarietas *particularum* datur, & sufficiens spatium in *subjecti compage* reperitur, ut loco removeri queant, tamdiu mutuò extricantur, & removentur secundum *figuram*, & *magnitudinem* quam obtinent, donec priorem repetunt in *mistione positionem*, quod tam manifestum est, ut uberiori non indigeat explicatione, hinc ergò facile sequitur, quod ex frigore *febris*, tandem calor oriri debeat.

Sed

Sed antequam de *caloris genuinis causis* in febribus opinionem meam proferam, operæpretium fore arbitror, primò palam facere, quam perperam hætenus judicarunt, qui crediderunt *calorem auctum* in febribus, *velocioris sanguinis cursus & urinam*, intensè *rubicundam*, non tantum hujus, sed & *caloris præternaturalis* in *sanguine* argumenta esse.

Et primò, quomodo *velocioris cursus sanguinis calor* signum esse posset amabò? concedo quidem, *calorem* esse motum *particularum subtilium*, inter quas, nonnulla crassiora, & acuminata frustra *alkali & acidi*, vehementer invicem commoventur, ac agitantur, sed experientiâ constat, aquam ad ebullitionem fieri calidam esse posse, sine ulla aquæ agitatione perceptibili in cacabo, unde apparet, liquorum calidum quidem posse existere, quamquam velociter non progrediatur; atque ita videtur quamvis in *febrientibus*, *sanguis* non celeriter procedit, nihilominus si

60 NOVISSIMA IDEA

modo multum *ignearum particula-
rum* in eo reperiatur, facile sensum
caloris exindè produci posse.

Flumina, unde maris, fontes, &c.
nobis autores sunt, *corpus liquidum*
rapidissimè propelli posse, absque
ullo quidem calore, vel incalescentia
tubulorum quibus propellitur, hinc
iterum erudimur, *calorem* non esse
affirmativum argumentum, impe-
tus, ac rapidi cursus, liquidi ali-
cujus.

Pisces nobis demonstrant, cursum
rapidum succorum, per angustas
etiam vias dari posse, sine ullo *sensi-
bili calore*, quippe quamvis eorum
succo, ac alimenta circulent, ne mi-
nimum tamen sensum *caloris* produ-
cunt.

Exhalatio nostra per os, clarum
nobis argumentum exhibet, *calorem*
non semper sequi velocem cursum,
si enim fortiter manibus inflabis,
quasi *auram* percipies, *calorem* verò
si minus.

Quo magis ventô agitetur aër, eo
ma-

magis frigesit, è contra, si minus moveatur : ex quibus omnibus liquidò constat, *corpus liquidum* citò moveri posse, & nihilominus non existerè *calidum*, & reciprocè, *calidum* esse posse, nec tamen velociter progredi.

Urinam magis tinctam nihil indicare, unde probari posset, vel *calor sanguinis*, vel ejus *velocior cursus*, patet ex *Icttero flavo*, quo *urina* admodum *tincta* est, non autem *circulatio aucta*; *Ictericorum* enim *sanguis* *velocius* non *circulat* sed *tardius* tunc temporis, & ferè *abolitus* est ejus motus, quod patet ex *pulsu* *lento*, ac *tardo*, *Leipotomiis*, *viribus prostratis*, &c.

Sed ni fallor, omnes mihi hic obijcient, si *circulatio sanguinis* in *Ictero* *tardior* est, quia *pulsus* est *tardus*, ergò sequatur *circulationem sanguinis* *velociorem* esse in *febris*, quia *frequentior* adest *pulsus*; respondebo, *pulsum* in *Ictero* *tardum* esse, quia *sanguinis circulatio* *tarda* est, *pulsus*

62 NOVISSIMA IDEA

verò in *febris* frequentem esse, quia *sanguinis* circulatio tardior est, quam naturaliter solet; quippe si in *statu sano*, *sanguis* tredecies cursum suum obsolverit horæ unius spatio, in *febrili* decies, vel minus, ejusdem temporis spatio cursum obsolvat; *Interici* vero *pulsus* tardus est, & *circulatio* sanguinis ejus sexies modo, vel quinquies peragetur horæ spatio, atque ita in his nulla contradictio latet, quoniam *pulsus* augeri, vel diminui potest, & *sanguinis* circulatio vel magis, vel minus retardari: Antequam autem ab exploratione *pulsus*, concludi posset, *sanguinem* vel plus, vel minus circulare, certi esse deberemus, *pulsam*, & *sanguinis* *circulationem*, ab se invicem pendere, & se mutuò vel tarditate, vel celeritate sequi, quod falsum esse jam probavimus.

Sitis in *febris* aucta, non magis quam *pulsus* frequentior; & *urina rubicunda*, indicat auctum *sanguinis calorem*, & *velociorem* ejus *cursum*,
quip-

quippe in *horrore febris* etiam adest,
in quo tardius circulat.

Non minus erraverunt hactenus,
qui credidêre, *bilem* in *febris*, *ca-*
loris causam esse, quod probare ni-
tuntur, *vomitionibus* & *urinâ* ma-
gis *inctâ*, quippe si jam omninò con-
staret, *bilem*, suapte naturâ calidam
esse, non tamen exinde sequeretur,
calorem ab alia causa originem trahere
non posse.

Quo ad *vomitiones*, non sequitur
bilem in causa esse, sed aliud quid,
quod *bilis* naturalem cursum perver-
tit, & quamquam *bilem vomitioni-*
bus excernere videntur ægri, minima
tamen excreti pars, *bilis* est, quippe
parum *bilis*, magnam *pituitæ* copiam,
amaram reddere potest, & acidum
celare, quamvis ut plurimum, *aci-*
dum evomere soleant ægri, & qui-
dem ita, ut dentes stupefaciat, fre-
quentius etiam viridis coloris est,
quod evomuêrunt, nullo si non *aci-*
do adscribendum; quippe ab admi-
stione acidi, color ceruleus viridis
eva-

64 NOVISSIMA IDEA

evadit, atque ita *bilis*, hujus viridis coloris causa esse nequit, sed *acidum* aliquod *acre*, *bilem* ita agitans, ut fursum feratur, ope irritationis quam in *glandulis intestinorum*, & *ventriculi acidum* hoc excitat.

Et sanè, *bilem* copia sua vix peccare posse, exinde probatur, quod in omnibus morbis, quos *biliosos* indigitant, nulla remedia magis conducant, quam *amaricantia*, & quæ *bilem* generant, nam quare quæso *absinthium*, *carduus bened.* *aloe*, *myrrha*, & id genus alia in his morbis tam bene audiunt, quare amabò, indies hi affectus profapiam ducunt, à præpostero usu *acidi*, & *salsi*? vulgo etiam decipiuntur à *pinguibus* produci *bilem*, ratio est, quia ignorant in *pinguibus acidum acre* latere, quod *bilem* motu suo naturali impedit, & quaquaversum expellit, imo si nobis tædio non esset, agmen argumentorum proferre possumus, *bilem* nec ejus copiam, in causa esse, sed *acidum acre*, ut postea demonstrabi-

mus.

mus: hæc vero jam sufficient ad demonstrandum, quam perperam de *velociori sanguinis cursu* judicarunt, qui illum ex *calore*, *urinâ*, & aliis falsis signis deducere sategerunt, & quam preposterè *bili* adscribitur, quod ipsi minime imputandum est. Sequitur jam etiam nostram de his sententiam, palam faciamus, & *benevolo lectori* exponamus, ut sicut *contraria contrariis elucescunt*, veritatis clarâ face illuminati, ad intricatarum harum rerum penetralia, permeare possimus.

A tribus potissimum causis, *calor* oriri potest, Prima est, *ignis actualis*, qui vel à *sole* vel *foco* nobis impertitur, inde magna in omnibus corporibus *agitatio*, ac *commotio* produci, & eorum *particula*, indefinitis modis *sursum*, *deorsum*, &c. impelli consuevit.

Secunda est, *contritio mutua* duorum corporum, vel plurimorum, sed de hiscè *caloris* causis jam non acturi sumus.

Tertia

66 NOVISSIMA IDEA

Tertia est, *fermentatio*, vel *effervescentia*, ad quam pertinet, vel inter quas saltem numeranda est, *corruptio*, vel ad eandem declinatio; quotidianâ experientiâ probatur, quam plurima corpora *fermentatione*, vel *effervescentiâ*, incalescere, ut patet ex confusione sp: *nitri*, & *butyri antimonii*, vel *olei vitrioli* cum *oleo tartari*, ubi sensibilis calor apparet, & si quis velit perpendere, quæ in *fermentatione* contentorum in *ventriculo*, & *effervescentiâ particularum sanguinis*, & *chyli* in corde dicturi sumus, in *dissertatione*, de *insensibili transpiratione*, faciliè comprehendet, *calorem* in *humano corpore*, tantum ab *effervescentia* oriundum, nulla enim probabili ratione, concipi potest, illum à duabus prædictis causis, oriri posse, & si quis fortè objiciat, hunc *calorem* in corpore produci non posse, propter *velocissimum sanguinis cursum*, huic Respondemus *velocitatem sanguinis* intensum calorem qui sine hac *velocitate sanguinis* produceretur, quidem

quidem mitigare, sed non omninò tollere: nam impossibile est, *sanguinem* non continuò *effervesce*re, propter ineffabilem contrarietatem *fermentorum*, ac *spirituum* in *sanguine* existentium, ita ut *subtili Materia*, semper aliquid occurrat, quo impeditur, quo minus per *rectam lineam*, permeare queat hunc sanguinem, & si quis arguerit, quod *corpora fermentantia*, vehementi conquassatione desinant *fermentare*, huic iterum respondebimus, illud nequaquam verum esse; quippe magis *rationi*, quam sensibus in hoc negotio habenda est fides, comprehendimus enim facilè, quod ubicunque indefinitum discrimen, ac diversitas particularum teperitur, & causa quædam, eas exagitans, ibi necessariò *fermentationem* adesse, ut postea prolixè in eadem *dissertatione* demonstrabimus; verum enim vero, non inficias ibo, hac conquassatione, vel commotione, *fermentationem* retardari, impediendo aliquo pacto, regularem

68 NOVISSIMA IDEA

gularem *particularum agitationem*, & maiorem copiam aëris frigidi, hiſce fermentantibus corporibus admifcendo.

Calor ergò naturalis, à *sanguinis* bene conſtituti *efferveſcentiâ* dependere ſuſpicamur, idque ratione diverſi motus *particularum*, & diverſæ qualitatis, & quantitatis, unde talis motus, *fibris nervorum* imperitur, qui cum *sanguinis efferveſcentiâ* convenit.

Calor præternaturalis, à naturali differt, quatenus motus, & agitatio *particularum inſenſibilium sanguinis*, perversam figuram, ſitum, motum, magnitudinem, &c. habentium, non convenit cum proportione, vel magnitudine pororum, unde perversè incidunt *particule sanguinis*, in poros *fibrarum nervorum*, eaſque fibras hoc pacto afficiunt.

Talem diſpoſitionem *particularum* in *sanguine perturbatè commiſto*, reperiri, jam ſatis probatum eſt, & hinc calorem præternaturam vehementem
oriri

oriri posse, ex fæno non satis *siccato* probavimus, in quo non *calorem* modo, sed & *flammam* ipsam produci, frequenter observamus.

Ratio *caloris* in *perturbatâ sanguinis commistione*, hæc est, quo magis irregularis dispositio *particularum insensibilium sanguinis* existit, eo major copia *Materia subtilis* requiritur, ad replendos harum poros, & quo major hujus *Materia* copia in iis reperiatur, eo velocius moveri debent, propter *irregularem harum situm*, ac impetum facere, subtilioribus *fibrillis nervorum*, ipsisque *nervis*: nam *sanguine bene commisto naturaliter* quidem datur *influxus*, & *effluxus* hujus *Materia subtilis*, sed per meatus, quos in contextura *fibrarum* sibi ipsi confecerat, qui meatus, necessariò *analogi* erant, tubulis à prægressa permeatione relictis; cotrarium hic, quippe penetratio hujus *Materia subtilis*, in *statu præternaturali* harum *particularum*, ita fieri nequit, quoniam tam ordinatè, ac regulariter

70 NOVISSIMA IDEA

gulariter non moventur, & proinde tales tubulos non telinquunt, per quos *Materia subtilis* ut solet, transire possit, atque ita per alios meatus penetrans, maxima ejus parte, in *fibrillas* prædictas irruere debet, & harum *agitatione calorem* producere.

Quo ergo magis *perturbata* existit *misti strues sanguinis*, eo plus caloris in ea reperitur, quod necessariò ex precedentibus liquet; adde ut satis superque jam probavimus, *sanguinem periurbatè commistum*, sese in corde nec tantum attollere, nec cordis parietes expandere, nec proflire tanto impetu è corde, *sanguinemve* in arteriam tanta vi propellere, atque ita lentiori gradu procedere, quæ lentior *sanguinis circulatio*, in causa etiam est, *aucti caloris*, & quo magis persentiat.

Naturalis calor in corpore non percipitur, quia liberum com meatum, ac spatium, transeundi ubique, & quidem velocissimè *sanguis* habeat; & quia

& quia sensibus nostris molestus non est, propter rapidum cursum, non satis temporis habens, afficiendis *fibris nervorum*.

Sed *diminutâ sanguinis circulatione*, quid mirum, si singulæ partes sensu *caloris* afficiantur, & lædantur? quis enim non comperit quod digitis carbo ardens raptim tolli potest, cum nequaquam illud lentè possit? cui non innotuit, *spiritum vini rectificatum* incendi, ac deflagrari in *volâ manus*, sine ullo dolore, ac calore, notabili? cum illud *spiritu vini* simplicis nequaquam fieri queat, quænam hujus ratio? si non hæc sit, scilicet, quod ignis subtilis, ac citò transiens, non lædit, nec calor sensum infert, quod demonstrandum erat.

Non dubito itaque, quin jam clarè percipiamus, *calorem præternaturalem*, & *auctum* in febribus, â *diminutâ*, & *tardiori circulatione sanguinis*, hæc autem, â *perturbatâ particularum ejus insensibilium commotione*, æquè ac *frigus*, originem trahere.

Restat

72 NOVISSIMA IDEA

Restat eruamus, etiam reliquorum symptomatum in febribus passim occurrentium causas, scilicet, *sitis aucta*, *doloris Capitis*, *Anxietatum circa precordia*, *vomitum*, *Nausea*, *diarrhæa*, *appetitus prostrati*, *vigiliarum & intermissionum*.

Non inquirere animum induximus in varias *sitis* causas, sufficiat hic modo *symptomatis* hujus *molestissimi*, causas in febribus rimerur.

Quæ de sanguinis diminutâ circulatione, & ejus *particularum insensibilium* irregulari *commistione* supra dicta sunt, hic loci oblivisci nequis, nec non, hâc perturbatâ *mistione*, *proportionem particularum sanguinis*, cum *proportionem organorum*, quibus *secretio humorum* fieri debet, vitiatam esse, ut in *secretione spirituum* demonstravimus: quibus rectè perpenſis, facillè concipiemus, quo pacto nonnullæ *particulæ*, minus quam naturaliter agitatæ, ac in *glandulis salivalibus* propulsæ, propter *proportionem* per-

ver-

versam *miftionis*, cum *proportione va-*
forum, facîle in his subsistant, post-
 quam *particulæ sanguinis* tam regula-
 riter dispositæ, ac collocatæ non sint,
 ut semper ad *determinatum* harum
glandularum spatium, vel disponi,
 vel accomodari queant, hinc fit, ut
 hæ subsistentes, impedimento sint
 posterioribus, quo minus progredi
 possunt, tum quia prioribus liberum
 com meatum non concedunt, tum
 quia tantâ vi non propelluntur, id
 est *sanguinis* è corde profilientis im-
 petus, quoad *latitudinem*, ac *longi-*
tudinem, sinusque vasorum tantus
 non est, ut *particulas* has subsisten-
 tes, propellere queat, unde non-
 nullæ obstructions circa meatus sali-
 vales, ac glandulas oriri debent, &
 necessarò ficitas, ex qua sensus situs,
 quam ficitatem, lingua spumiceo
 nigricans, & fædæ crustæ in labiis,
 egregiè etiam manifestant.

Cum jam *naturaliter sanguis*, *par-*
ticulas salinas in se contineat, quibus
 à putredine vindicatur; sed tam arctè

D cum

74 NOVISSIMA IDEA

cum aliis omnibus unitas, ac conso-
 ciatas, ut *equalem* inter se *proportionem* omnes habeant, non mirum, si
 functiones nullas lædant, verum
 enim verò, *perturbatè* commistæ,
salinæ hæ *particulæ* destituuntur sta-
 tim iis, quibus temperabantur; & in
naturali situ, ac *motu* detinebantur,
salinæ enim, & *aquosæ* mutuis am-
 plexibus agglomeratæ, ab invicem
 separantur, & si nimia copiâ *particu-
 larum salinarum* scateat sanguis, non
 solum *saliva* producitur *salsior*, &
fermenta in *glandulis oris*, *laryngis*,
ventriculi, & *intestinorum* *salsiora*,
 sed & *commotio*, & *naturalis rarefa-
 ctio sanguinis* vitatur, & proindè
 tanto impetu, non excernitur è cor-
 de, nec per *arterias* propellitur, &
 proclivè circa *glandulas*, earumque
 meatus subsistit, & pungendo *nervos*
sui percipiendæ interservientes, & à
sextâ conjugatione oriundos, ideam
sitis animæ impertit, quippe nimia
contractio fibrarum oris, *faucium*,
 ac *ventriculi*, à nimia siccitate in
 iis

iis productâ, illud facile præstat.

Quod in *febris fitis aucta*, à sanguinis perturbatâ mitione producat, & *saliva præternaturalis* seceratur, videtur probari posse, ex *agrorum* frequentissimis querelis, de *gustu* multifariis modis *depravato*, nunc *salso*, nunc *acido*, nunc *amaricante*, nunc *dulci*, quippe pro diversitate *particularum heterogenearum*, cum *salivâ* secretarum diversimodè *gustus* vitatur, cum enim hæ *particule heterogeneæ*, propter allatas superius rationes, cum *saliva* secretæ, non sunt cum aliis *particulis salivæ analogæ*, *motum nervis siti* inservientibus planè à *naturali diversum* impertiunt, & sic *fitis* producit.

Quod verò *fitis*, ab *glandularum* earumque meatuum obstructione originem ducat; ex *juvantibus*, & *nocentibus* patet, ut postea demonstrabimus, sufficiat hic dixisse, quod quæ pro refrigerantibus, & ad extinguendam *sitim* præscribere solent *Medici Julapia*, & ejusmodi alia,

76. NOVISSIMA IDEA

inepta existant, & ad humectandas modo *glandulas* parum apta nata, cum mox iterum, ad pristinam siccitatem redigantur, quam siccitatem, ab *inopia humiditatis*, vel *particularum aquosarum* non produci, patet ex frequenti excretionem *urinae*, & nonnunquam, ex *copiosissimis sudoribus*, certissimum argumentum, sat *particularum aquosarum* in *sanguine* extare, humectandis *fanciis*, ac *oris glandulis*, si modò secerni queant; è contra verò, medicamenta ex *salibus volatilibus*, & *diaphoreticis* constantia, vel exigua doli, formulà misturæ, cochleatim modo exhibita, magis sitim tollant, quam integræ libræ decoctionis hordei, vel refrigerantium apozematum, his enim *salibus volatilibus*, obstructions solvuntur, *sanguisque* regulari ejus *particularum commistioni*, velociorque circulationi, restituitur ut postea videbimus.

Causa *fitis aucta*, ac *morose* in *febris ardentissimis*, hæc est, quando

do *sanguis perturbatè commistus*, ad talem dispositionem redactus est, quam *Broeinge*, aut anglicè *heats* apellamus, qualemque in fæno non satis siccato frequenter observamus, magnam *Materie subtilis* copiam *sanguis* admittit, quia major copia requiritur, ad replendos ejus poros, unde *calor* magis auctus, à majori agitatione *particularum* necessariò producitur, & *corpora liquida* partium *superficiem* occupantia, magis dissipantur, non secus, ac aqua vehementi agitatione, vel ebullitione, *radiisve solaribus* discutitur, quoniam autem, ad *proportionem particularum aquosarum* tot iterum aliæ, advehi nequeunt, propter obstruct s *glandulas salivales*, quot dissipantur, fit ut *particulae* illae obstruentes, facile *sitis* sensum producant, cum enim ad supremum gradum hæc *perturbata mistio*, vel *heats* pervenit, *vehementissimus* ad est *calor*, & in *fauibus siccitas*, secus autem in *febrium* declinatione.

78 NOVISSIMA IDE A

Fortè quis objiciet, has *glandulas* obstrui non posse, quin *tumores* etiam in illis producantur, sed Respondemus, quæ de meatibus salivalibus diximus, tantum concernere tenueseos, qui circa *linguam*, *palatum*, *fauces*, & *labia* reperiuntur, in quibus reverâ intumescencia quædam observatur, animadvertimus enim, in *sui* hac *vehementi*, ægrorum *linguas*, *labia*, *os*, & *fauces* intumescere, & quandoque nonnullas harum partium fissas esse, quod quotidiana experientia evincit.

Ratio quare *lingua*, ac *labia* in *sui* hac *morosa*, *viscidis crustis* obiecta sunt, hæc est, diximus, quod *particulæ* nonnullæ *heterogeneæ* commisceantur in *febris* *salivæ* hæ aliquando sunt *viscidæ*, *gummosæ*, & *glutinosa*, quibus in *glandulis*, vel *meatibus salivalibus* existentibus, non tam proclivè propelliqueunt, aut dissolvi, affluxu *Materiæ subtilis*, ac aliæ *fluidiores*, quæ instar halituum dissipantur, hæ enim nimis *viscosæ* sunt, & nimis
invi-

invicem *agglomeratæ* & propterea consistere debent eo loco, quo discernuntur, nam *aquosæ*, & *aliæ fluidæ*, quarum ope, hæ *viscidæ* fluidiores existebant dissipantur, ut diximus, quibus ascendentibus, alia iterum deprimitur materia, quæ quoniam locum ab aliis *particulis* derelictum, tam exactè occupare nequit, vel forsan non incidat, in eosdem tubulos, à peculiari conjunctione avolarum particularum relictos, irruit in *superficiem* harum *viscidarum particularum*, quæ, ut pote flexibiles, arctius invicem agglomerando, hanc *crustam viscidam* efficiunt, ita tamen, ut quamquam arctè conjunctæ sint, liberum nihilominus commeatum aliquibus parsiculis concedant, undè hæc *crusta* incrementum, ac alimentum acquirit.

Dolor capitis, febrientibus admodum infestus, multum non rarò fa-cessit negotii, nonnullis *Medicis* qui illum tollere nituntur, neglectâ, vel non habitâ *febris ipsius* ratione.

80 NOVISSIMA IDEA

Sanguinem *purturbatè commistum*, hujus *doloris* causam in se continere, non immeritò opinamur, quippe *particulæ, acide, salsa, aliæque volatilis*, non tam regulariter collocatæ, vel cum aliis commistæ sunt, ut *equalem* cum vasis *proportionem* obtinere queant; scimus jam, *subtiliores sanguinis particulas* sursum ferri, quæ cum tantavelocitate propelli per vasa non possint, in hoc statu, quoniam minori impetu è corde prosiliunt, propter *perturbatam missionem*, excitant vasa pungendo dolorem, quippe plus temporis habent, *particulæ* hæ perperam *commistæ fibras nervorum* afficiendi, nam confusè admodum hinc, & illinc agitatæ, diutius quam solent, eodem loco subsistunt, quoniam *proportio* harum, ad *proportionem* vasorum non ita acomodata est, ut tam celeriter vasa permeare queant, & ob hanc causam, fibras lædant necessum est, præsertim, cum destitutæ sint iis, quibus temperari solent, ut sunt *particulæ vis-*

viscosa & aquosa, &c. horum veritas apparet, ex levi compressione nervorum cruris (vulgo dicitur) the Feet sleep; sentimus enim tunc temporis, ingentem titillationem, quæ à confusa mistione harum particulæ insensibilium, eo loci quasi parum subsistentium oriri debet.

Cum jam *particule perturbatæ commiste*, & ad *cerebrum* delatæ ferè ejusdem sint indolis, non mirum, si eundem effectum sortiantur, nullo enim modò concipi potest, has *subtilissimas sanguinis particulas*, obstructions in *cerebro* parere posse, sed parum inodo subsistere, vel lentiori gradu procedere, aliàs cum *febre* non desineret *capitis dolor* experientiâ autem constat, desinente *febre dolore capitis* etiam tolli.

Solent *febres* non rarò etiam comitem habere *anxietatem circa præcordia*, cujus causa in *ventriculo*, ac locis vicinis, ab hac nostra *perturbatâ sanguinis commistione* oriri, jam probaturi sumus.

82 NOVISSIMA IDEA

Circa *febris* initium hiscè *anxietatibus* consueverunt affligi ægri, & harum causam, facile erruere poterit quisquis animadverterit, statum *alimentorum fermentantium*, in *ventriculo* ante invasionem *febris*; omnes enim *insensibiles alimentorum* ac *fermentorum particule*, blandè, ac regulariter inter se agitabantur, ac in pulticulam *cremori ptisana* non admodum dissimilem, jam penè conversæ, magis ac magis intumescabant, propter rationes ante datas, sed cum propter *particulas heterogeneas*, *sanguini commistas*, minus hæ rarefiant, quia *fermenta* ad *ventriculum* minori *quantitate*, & *depravatâ* qualitate deferuntur, & cum *fermentis naturaliter* in *ventriculo* existentibus, ac aliis *particulis fermentabilibus* commiscuntur, quod mirum? si *fermentatio* contentorum in *stomacho* perturbetur, ac impediatur, propter vitiosam dispositionem, quæ hiscè *particulis* inferitur, unde *horrorem febris* aliqua ex parte supra deduximus,

mus, quippè tantum *caloris* non impertitur *sanguini*, ac *chylo acidiori*, & perturbatè *misto* quam naturaliter constituto.

Hæc nobis distinctius, ac clarius apparebunt, si velimus observare, quæ in panificio contingunt, si enim *massa triticea* aquâ *subacta*, *fermentum* inter subigendum adhibeatur, *massa* protinus *effervescet* mole intumescet. Huic verò, si vel parum *fermenti* vel vitiatum addatur, protinus *gravis*, *ponderosa*, ac instar luti viscida & coctionis difficilis evadit.

Eodem modò res se habet, cum *contentis* in *ventriculo*; quippè jam ante demonstravimus, *sanguine perturbatè commisto*, minorem *fermenti* quantitatem, & depravatâ qualitate, ad *glandulas ventriculi* deferri, unde necessariò intumescencia impeditur, & minor fit, contentaque *ponderosa*, ac *gravia* evadunt, & ad *ventriculi* fundum deprimuntur, unde *fibræ* ejus extendantur, quâ *extentione* major influxus spirituum in

84 NOVISSIMA IDEA

fibras fit, & proindè major contractio, quæ propterea magis promovetur, quia *contenta* in *ventriculo*, tantam resistantiam in se non habent, quam ad impediendam hanc requiritur, minus enim *fermentant*, ac proindè minus *intumescunt*, unde adhuc magis eorum *fermentatio* impeditur; requirunt enim majus spatium ad peragendum istud negotium. Quibus rectè examinatis, non erit forsan arduum arguere, quænam causa *anxietatum* circa *præcordia* sit; non dubium enim est, quin molestum sit, quod *ventriculus* sic extendatur, & continuo coarctetur, & *contenta* tam arctè invicem agglomerando, tam grave onus *ventriculo* imponant, quo pondus continuo lævius se reddere solebat.

Inter *februm symptomata*, etiam recensuimus, *nauseam*, *vomitiones*, & *diarheam* horum *phenomenum* causas, ut rectè rimari possimus, necessum est inquiramus, vrias mutationes *particularum sanguinis* in *fe-*
brien-

brientibus. Quibus perpenſis, non tantum hæc *phenomena* clarè, ac diſtinctè nobis apparebunt, ſed & inſervient explanandis aliis. Conſtat ex ſupra dictis, *ſanguinem* ex multifariis generibus diverſarum particularum *volatilium*, *fixarum*, *ſalinarum*, *acidarum*, & innumerarum aliarum conſtare, quæ *particule*, continuò *viciffitudinem*, & conſequenter *diviſionem* quandam inter ſe producant, uſque dum omnimodam inter ſe obtineant proportionem, ſed accedente *heterogeneo* quodam vel *acido*, vel *ſalſo*, &c. tota hæc *æqualitas* deſtruitur, & quidem diverſimodè ſecundum multifariam harum *particularum heterogenearum* diſpoſitionem, ac differentiam, *commiſtione* hac præcedenti *ſanguinis*, ita ut exindè, diverſa planè diſiſſio, circa partes, vel fructa hujus *miſti ſtruis* efficiatur, quibus diverſimodè diſiſſis, alias iterum dividunt, quæ iſtis impedimento erant, quo minus motus ſuos peragere poſſent, unde non ſo-

86 NOVISSIMA IDEA

lum diversa genera *particularum acidarum*, &c. in sanguine producuntur, sed etiam acriores redduntur, quam naturaliter solent esse, quæ in *misti strue* vel reperiuntur, vel procreantur, & quidem propter multifarias aggressiones, & eruptiones semper diversas, in se invicem, & proinde semper diversimodè dividi debent.

Hæc veritas conspicua est, & variis observationibus, quæ alias extricari nequeunt confirmata ex: gr: quare canis rabidi morfu, *homines in rabiem* incidunt, nisi quia saliva hujus, *massam sanguineam hominis* afficiat, quippe *particulæ heterogeneæ salivæ*, cum aliquibus *particulis sanguinis hominis* communicatæ, eandem dispositionem in sanguine producant, quam in se continent.

Cum jam certum sit, omnes secretiones in *humano corpore* fieri, certis, & appropriatis organis, accommodatis ad diversam *particularum insensibilium commotionem*: non dubium

bium est, quin *particulæ acidæ*, aliis *particulis salinis lixiviosis*, & aliis concomitatæ, magis ad *ventriculum* nostrum ferantur, quam ad alias partes. Demonstravimus enim supra, singulas *corporis nostri* partes, propter certam *organorum* dispositionem, tales humorum *particulas* admittere, quæ respectu *magnitudinis*, & *figuræ*, cum earum poris *analogiam* habent, propterea quod singulæ partes, ad hunc, vel illum humorem excipendum, poros habeant aliis accommodatiores. Hinc fieri, quod nullibi *ferosæ* magis quam in *renibus* sepeantur, nullibi *pancreatica* melius, quam in *pancreate*, nullibi *biliosæ* commodius quam in *hepate*. Quando itaque *sanguis* scatet *particulis heterogeneis acidis*, ac *salsis*, citius, ac melius transferentur ad eas partes, & secermentur iis organis, quæ maximam cum *figurâ*, ac *magnitudine* harum *particularum* affinitatem habent, & quæ cum earum deflectione, maxime conveniunt. Quando ergo mag-

nā copia *particularum acidarum* procreatur in *sanguine*, faciliiori negotio per *glandulas ventriculi, intestinorum*, ac *Mesenterii* secerni queunt, quam in *renibus*, ac *hepate* quoniam naturaliter, ac usitatè tale *particularum genus*, per eas secerni solet ut antea observavimus.

Ad hanc secretionem, eo magis hæ *particulæ acidæ* adiguntur, quia ab aliis non impediuntur, quod fecus fit, quando æqualis; & regularis existit *mistiō sanguinis*.

Quod jam plus *particularum salinarum*, vel *acidarum* in *ventriculi glandulis* producat, procedit præcipuè, à copiâ istarum *particularum* in *sanguine naturaliter* existentium, quibus vicissim *fermenta* in *ventriculi glandulis* contenta, vitiantur, ac mutantur, atque ita modo plus *acidi*, modo plus *salsi* in iis produciuntur, quibus *bilis* postmodum ita vitari potest, ut vel nimis *salsâ*, vel *acris* evadat, & tanquam *heterogeneum* quid, *fermenta ventriculi*, &
in-

intestinorum aggrediatur, & vitiosam, vel depravatam commotionem, cum humoribus ibidem hospitantibus moliatur.

Par omnino ratio est *acidorum* ipsorum, quæ tam diversimodè vitari possunt, ut exinde oriatur *acidum* quod minus conveniat *fermentis ventriculi*, quam *intestinorum*, vel *mesenterii*, quæ differentia non minus observari debet, inter *fermenta* quæ in *tenuibus*, & *crassis intestinis* seceruntur, etiam *glandulis oris*, & *sancium*; experienciâ enim innotuit, *febres* non nunquam dari, quæ non solum *salivam* vitiatam, sed tali copia peccantem producant, ut ægri continuò ptialisare, seu sputum excernere, necesse habeant; noncludimus itaque si adsit aliquando *vomit*, non autem *diarrhæa* illud accidentale quid esse, quod hoc, vel illud genus *acidi*, è *sanguine* producatur, materiamque qua vomitus produci potest, in sanguine magis abundare, quam qua diarrhæa, quæ organis

90 NOVISSIMA IDEA

organis *ventriculi* secreta, & ulterius propulsa, consuetos effectus producat.

Non dubium, quin hæ *particulæ heterogeneæ*, contenta, seu alimenta in *ventriculo* ad sui indolem disponant, sicut *sanguis* primo *heterogeneis particulis* affectus, *fermenta* in eodem afficiebat. Certum enim est *particulas salinas acidas*, aliasque *heterogeneas*, cum alimentis in *ventriculo* congregari, & in se invicem insurgere. Nam cum *fermenta* alimentorum, nondum liberata sint, variis aliis *particulis acidis*, naturaliter in iis existentibus; necessum est, advenientibus aliis *sacidis heterogeneis*, iis cedant, quoniam motum, seu *agitationem* harum *acidarum* advenientium pervertere nequeunt, neque illas alio modo dividere, quam divisæ sunt, unde necessario similia his *particulis heterogeneis* reddantur, & ordo *contentorum* in *ventriculo* plane vitietur, omnemque dispositionem, vel *figuram*, secundum quam dissolvi
& in

& in *chylum* mutari alimenta possint, plane amittant, ita ut acidiora evadant, & suâ etiam acredine *particularum heterogenearum* acrimoniam augeant. Eodem modo res se habet cum *fermentis*, *ventriculi*, ante invasionem *febris*; nam quamvis ex plurimis *particulis acidis* hæc consistent, nihilominus tamen *analogiam*, aut proportionem cum accedentibus hiscè *particulis heterogeneis* habere nequeunt, quippe continuò *heterogeneo sanguine* secernuntur, & continuò affluentes, levem resistantiam *fermenti* jam contenti in *glandulas ventriculi*, faciliè exsuperant.

Si jam ritè velimus examinare, *vomitionum*, & *nausearum* causas, reperiemus dari in *ventriculo acidum*, ac *salsum acre*, & *pungens*, quibus contenta illicò mutantur, & *fibræ ventriculi*, in definitis modis afficiuntur, utpote diversis, ac contrariis iis, quibus fermenta indissolutis alimentis latentia, eas afficere solebant, unde diversas ac insolitas ani-

ma

92 NOVISSIMA IDEA

ma Ideas suscipit, ægrique de *nausea* conqueri incipiunt.

Ratio est, quia *spiritus* in *tubulos ventriculi*, perperam propelluntur, & quidem diversimodè, secundum multifariam *particularum heterogenearum* differentiam.

Distributio spirituum ad ventriculum duobus potissimum modis fieri potest, primo *Mechanicè sensibus* nostris, secundo *Naturaliter*.

Deus enim, secundum *eternam suam dispensationem*, acuratissimam inter cogitationes nostras, & subsequenter remotionem *spirituum*, ad hunc, vel illum locum se moventium, *harmoniam* vel *analogiam* instituit, nam si quis ab sumpto medicamento catarthico, admodum ægrè, se habuerit, si postea consimile quid, vel odore, vel vili perceperit, malè iterum se habebit, causâ hujus reverâ non latet in *stomacho*, sed à repræsentatione hujus medicamenti in *anima* originem ducit, unde in *fluxus spirituum* ad *ventriculum*, immediatè subsequitur.

In

Ingentem dari in *febrientium stomacho particularum* verietatem, patet ex *appetitu* prostrato, & ab omnibus alimentis averfante; ratio est, quia vix ulla dentur alimenta, quæ cum naturâ hujus vellicantis *acidi*, vel *fermenti* conveniant. Hinc argumentum instantis sanitatis fumitur; quando ægri ad hoc, vel illud alimentum genus propensi fiunt: indicat enim maximam partem *perturbatæ missionis* sublatam esse, & hinc forsitan concludi posset, non usque adeo, auctoritate suâ niti debere Medicos, sed non nihil ægris suis obtemperare, ac *appetitui* aliquando morem gerere.

Unde causam suam principalem trahit diarrhæe superius diximus: existit illa magis periculosa quam *vomitiones*: quippe quæ nobis auctor est, integræ destructionis *vinculorum naturalium sanguinis*, nec non *salinas acres*, ac *acidas particulas* in eo scaterere, quæ ad *intestina* delatæ, dissolvunt quæ naturaliter in *crassis intestinis*

testinis continentur: unde necessariò contenta ejus citius ad corruptionem vergunt, propter ingentem *fermentorum heterogeneorum* copiam, eò loci stabulantium, iisque commistorum, quibus ad internecionem omnia dissolvuntur, & quidem ab infinita varietate *particularum*, quæ omnes *gradu, essentia seu naturâ, situ, motu*, ac *figurâ* differunt, unde *Materia subtilis* indefinitis modis per has lancinat, ac permeat, & propter inordinatam, ac perturbatam earum dispositionem, in se invicem insurgunt, & *subtili Materia* incitatur propriâque vi inciduntur, ac dissolvuntur, omnesque *partes invisibiles* tanquam ad *prima elementa* rediguntur, ut abundè supra dictum est.

Huic addi potest, quod non solum *excrementa* in *intestinis crassis* contenta dissolvantur, sed etiam *phlegma*, quod naturaliter secundum *œconomiam naturalem* in iis reperitur, quo denuo magis quam fas est dissoluto, cum aliis etiam alimentis,

foras

foras propellitur, atque ita intestina velamento naturali destituta, ab *acribus* hiscè *fermentis* corroduntur, miserrimisque cruciatibus *egri* afficiuntur, ut in *dysenteria* fieri aliquando consuevit.

Cum autem causa non sublata non tollatur effectus, non mirum quod hæc diarrhæa perseverat, continuante *febre*, quippe quamdiù hæc *perturbata mistio* in *sanguine* existit, (quæ vel magis vel minus est, secundum indolem, vel copiam *particularum heterogenearum* peccantium) tam diu diarrhæa hæc, vel vehemens, vel minus vehemens est: præsertim si causæ *perturbata mistionis sanguinis*, *analogiam* quandam habuerint, cum depravatâ constitutione *fermentorum glandularum intestinalium*, ante invasionem *febris*, deinde non mirum si declinante *febre* diminuatur etiam diarrhæa, cum *aliam* nanciscatur *mistionem sanguis*: quippe *particule acide, & salse acres*, iterum proprio loco, a situ collocantur, & com-

96 NOVISSIMA IDEA

commoventur, & in iusta, & regulari æqualitate cum aliis particulis disponuntur & ita temperantur, ut non sustineant aliquid noxii perpetrare.

Quod *acidum* copia peccans, in causa hujus *diarrhææ* esse possit, quotidianâ experienciâ arguitur, quoties ab usu *fructuum hortensium* immaturorum, *uvarum, malorum, &c.* vehementi *diarrhæa* corripuntur plurimi: & non mirum sanè, tam frequentes dejectiones habeant, cum *aculei prædicti acidi, fibras intestinorum* ita afficiant, ut exinde quasi *convulsio* quædam sequatur. Hæc est ratio quod *salia* quædam *acria* clismatibus addere solemus, ad irrationem intestinorum, cui accedit, quod *bilis* in *hepate* secreta, huic rei non minus ansam dat, quam prædicta *fermenta iniectionum*, nec non *succus pancreaticus* naturaliter ad *intestina* propulsus. Postremò quod nonnullæ etiam meliores, aliæque *subtiliores particule chyli*, ab his *fermentis* ita franguntur, vel irregul-

riter

riter dividuntur, ut fere eandam cum illis indolem nanciscantur unde emacerantur, ac valdè debilitantur ægri.

Adest non nunquam etiam *febrientibus Phranitis*, quæ non minus à *perturbatâ sanguinis mitione*, quam reliqua *symptomata* prosapiam habet. Ex præcedentibus sat constat, quo pacto *spiritus ex sanguine perturbatè commisto*, tam confusè secernantur, ac commoveantur, quam ipse sanguis; hi spiritus, propter eorum confusam, ac *perturbatam commistionem*, diversimodè agitati, & repredientes vestigia, diversarum *Idearum* vel *impressionum* quæ præcesserunt in *cerebro*, ac talia vestigia reliquerunt, eo cursum dirigunt, & hos potius quam illos poros permeantes, diversis illusionibus *animam* seducunt, quibus illa impeditur, quo minus rectum, ac regularem ordinem in cogitationibus stabilire queat, non enim in ejus potestate est, ad ea non cogitare, quæ ipsi representan-

E tur,

98 NOVISSIMA IDEA

tur, non magis quam *perturbatam spirituum commistionem* tollere.

Hæc etiam *perturbata spirituum* constitutio causam *vigiliarum* exhibet, quippe hi *spiritus* propter hanc rationem nunc magna, nunc exigua copia in *cerebro* secernuntur, & *nervos* variis modis afficiunt, unde *dolor*, quo non parum causa harum *vigiliarum* augetur, hac enim *perturbatâ mistione*, *soliditas spirituum* planè vitiatur, qui irregulariter commoti, & secreti, influentesque in *cerebrum* hinc ad *nervos*, & ad *musculos*, causas non minus *phrenitidis*, quam *vigiliarum* ac lassitudinis *febrientium*, vel primis *paroxysmis* constituunt.

De Intermissione Febrium.

In præcedentibus omnia *februm Phenomena* exposuimus, restat difficillimus nodus dissolvendus, quomodo & quare post certa, & determinata tempora, *paroxysmus* renovari,

novari queat, ut nimirum exactius, quam *horologium* statis redeat temporibus. Cujus *Phænomeni* cum lateant forsan adhuc intimæ, propriæ, ac immediatæ causæ, modo contenti erimus, quæ conjecturis solidioribus subodorari possunt.

Probavimus supra, quo pacto *sanguis pertubatè commistus*, facile *obstructionibus* variis ansam præbet, tam propter diversas quas dedimus rationes, quam propter *vitiatam proportionem particularum invisibilium sanguinis cum proportione vasorum*, & ne cramben bis coctam apponere videamur, earum causas repetere hic superfedemus. Sufficiat dixisse, omnes *partes solidas* præsertim *glandulas diversimodè affici à sanguine pertubatè commisto*, tam *particulis salinis*, & *acidis* quibus *naturale fermentum* in iis contentum depravatur, quam *defectu*, vel depravatâ constitutione *spirituum*, unde contenta in iis *glandulis viscidiora*, magisque agglome-

100 NOVISSIMA IDEA

rata evadunt, qua propter diversimodè glandulæ ipsæ obstrui possunt.

Si jam velimus rimari *februm intermissionis* causas: animadvertendum, materiam *glandulas ventriculi, intestinorum, & forsàn etiam pancreatis, &c.* obstruentem, secundum variam dispositionem *perturbatam missionis sanguinis*, plus vel minus *viscosam* esse, & secundum illam *viscositatem*, citius, vel tardius *febrilem commotionem* excitare, donec iterum mutuo contritu *particularum*, ad pristinam, & æqualem positionem *singula particula* redactæ sunt, & quoniam *fermenta in glandulis contenta* propter *perturbatam sanguinis commistionem* solito sint acidiora non dubium est, quin eadem *aciditas* morâ augeatur, & *obstruentes particulas viscosas* si non in totum solvant, & secum educant, perforent saltem, & permeent, & cum *bile* continuò ad *intestina affluente junctæ*, *symptomata in febribus intermittentibus* occurrentia producant. Certissimum namque est,

per

per plurimas *particulas spirituosas* in *fermentis* adhuc contineri, quæ quoniam mora evanescent, necessum est, fermenta acidiora evadant, atque ita secundum gradum *aciditatis fermenti obstructi* in *glandulis*, ac *viscositatis particularum obstructivum*, vel plus, vel minus temporis requiritur, ad invasionem *febris* alteram causam *intermissionis febris* hanc esse puto.

Qui in *anatomia* periti sunt, observant, *Arteriam magnam* sensim ac gradatim, angustiores evadere, cum jam *sanguinis misti strues* ex *indefinitis differentibus particulis fermentabilibus* constet, quæ omnes ratione figuræ magnitudinis situs, & motus, inter se discrepant, sequitur hoc *genus particularum* magis Idoneum esse, ad hanc, aut illam lineam movendum, vel deflectendum quam illud, & per consequens humores, vel succos, secundum hanc angustiam *arteriæ*, diversimodè secerni debere, nam dum *subtilioribus*

102. NOVISSIMA IDEA

particulis angustiores *arteria* liberum. commeatum concedunt, *crassiores* necessariò deflectere debent, & per vias magis latas, tandemque per *venas*, ac *vasa lymphatica*, regredi ad *cor*: faciliè ergò comprehendimus, in majoribus ramis, integram *particularum* omnium *sanguinis* reperiri *commistionem*, in minoribus autem, ac minimis materiam quandam albicantem, ac diaphanam, quam non immerito Anglicè *Juice* indigitare possimus.

Deindè, quum *misti strues* è majori ramo ingrediens multo minores, necessariò debeat dividi quæ divisio nequaquam fieri potest, quin hæc, aut illa *misti* pars prius quam alia, in hoc, vel illo ramulo moveatur, atque ita necessariò diversa *particularum misti* secretio, hic fieri debet: cujus rationes *Volente Dea* forsan aliquando, in tractatulo de nutritione partium, aliisque ad *Æconomiam animale*m spectantibus, ex professo daturi sumus, sufficiat jam dixisse, quod quo ma-

gis

gis *particularum fermentescibilium* varietate destituatur *sanguis*, eo minus secundum meam opinionem effervescat : nam propter varietatem *particularum* ingentem, *sanguis* ope *Materia subtilis* effervescit. Cum jam *sanguis* resistantiam quandam in se habeat, contra pressuram *Atmosphæra*, & quidem propter ejus effervescentiam; sequitur quo majus *particularum* discrimen, in *sanguine*, & in *arteria* reperiatur, eo magis ibidem effervescat, & propterea major sit ejus resistantia, contra aëris pressuram, atque ita *latior arteriæ pars*, minus comprimi debet, *atmosphæra* pressurâ, quam *angustior*, quippè *humores* in angustiori arteriæ parte secreti, minus effervescunt, & proindè *vasa* minus expanduntur, porique hac expansione minus apperuntur, undè proportio pressuræ *Atmosphæra* magis augetur in his, quam in illis, quippè in majoribus ramis, *sanguis* indefinitis suis *diversis particulis* combinatus adhuc existit, à

qua *particularum fermentabilium* varietate, ipsa dependet *effervescentia & expansio*.

Quam faciliè autem, variæ obstructions oriri possint, è *sanguine* tam *naturaliter* constituto, quam *perturbatè commisto*, à quibus intermissiones febrium deduci possint, jam videbimus.

Sæpe sæpius experti sumus, quamquam optima *diathesi* gaudebat *sanguis*, propter leve modò patratum erratum, in *rebus non naturalibus*, plurimos incidisse in *febres intermittentes*, præsertim si vel vehementi agitatione, aut motu, vel assumptu nimidò *spirituosorum*, ac *aromaticorum*, &c. peccarunt: ratio est, quia *sanguis* his ita *rarefieri potest*, ut quàm plurimæ *particulæ viscosæ*, ac *gummosæ* aptæ reddantur, permeandis talibus exiguis *vasculis* quæ sine hac vehementi *sanguinis rarefactione*, ipsis transitum negarent: desinentibus verò causis hujus *auctæ rarefactionis sanguinis*, vel supervenientibus aliis hanc

F E B R I U M. 105

hanc impredientibus, facile subsistunt, plurimaeque obstructions pariunt, & secundum *qualitatem particularum stagnantium*, non solum febres, sed variis *symptomatibus* stipatas producere possunt.

Sanguis perturbatè mistus has obstructions parere posse, ex iis quæ antea dicta sunt satis clarè constat. tum quia *diminuta* est ejus *effervescentia*, & *lentior* ejus *motus*, & *circulatio*, tum quia *proportio particularum sanguinis cum proportione vasorum* vitiata est, nam quia minus *effervescit*, *Atmosphæra* pressurâ magis comprimitur, & facilius proinde obstructions producere potest.

Hoc ut clarius innotescat, observandum, *particulas stagnantes* propterea subsistere, quia minus *effervescent*, unde minor influxus *materiæ subtilis* in eas fit, quia *ordo mixtionis particularum stagnantium* *perversus* est, ut in *perturbata mixtione* fieri solet, quam illicò post stagnationem nanciscuntur: hinc fit, ut

E 5 par-

particula quæ antea certo quodam intervallo movebantur, nunc arctius vicissitudines locorum mutare debent; pressurâ enim corporum externorum magis coarctantur, propter defectum *materia subtilis*, qua *particula subtiliores sanguinis*, incitantur ad motum, brachia sua magis extendendo; unde majorem *spatii sphaeram* motui circulari peragendo adipiscuntur; *materia enim subtilis* ordinem *motus particularum* conservare solet, & iusta, ac æquali positione eas retinere.

Cum verò hæ *particule* stagnatæ sunt, *spiritus* in iis contenti suffocantur, & à ponè affluentibus humoribus, ex *arteria magna* nuper perfectis ita comprimuntur, ut spatium *motui circulari* peragendo necessarium, amittant, & sic ex *naturali situ*, in alium compelluntur, aliasque vicinas *partículas* propellunt; quo ordo, & *situs* omnium vitiatur, & tanto proclivius ad talem dispositionem rediguntur, quam Belgicè *Broei- jinge*,

yinge, Anglicè *Heat* appellamus. Atque ita facile videmus ex *diminutâ* hujus misti deflectentis *effervescentiâ* stagnationes, & obstructions oriri posse, ex quibus tamquam è latebris, statis temporibus *particula heterogenea* erumpentes, *sanguinique commistæ*, & ad Cor delatæ *febrim intermissiones* originem trahunt. Quippe ratione *visciditatis*, & *aciditatis particularum stagnantium*, & proinde *perturbatæ commistarum*, plus vel minus temporis requirunt, ad perterebrandam, vel resolvendam, *materiam obstruentem* & per *venas* vel per *vasa lymphatica*, ad *Ductum Thoracicum*, ac *venam jugularem sinistram*, tandemque ad *venam cavam* & Cor delatæ, *febrilem commotionem* excitant: atque ita genuinam *intermissionis febrim* causam, ab *obstructionibus* non tantum *glandularum* sed & *omnium partium solidarum* petendam esse, tantum non confidimus.

Sed porro videndum, quomodo *consistentie succorum viscidorum* ita

differre possunt, ut tam regularem *paroxysmum* producere queant. Hoc autem non videtur difficilè: nam si tribus cyathis, infundantur æquales partes aquæ, ex. gr: singulis libra una; & in primo misceantur sex unciaë farinæ, aut alterius pulveris gluten afficientis; in secundo autem cyatho unciaë tres, in tertio demum unciaë duæ tantum manifestum erit, *atomos* farinæ, spatium ejusdem molis aquæ occupantes, non æquis intervallis à se invicem distare posse, eo quod sex unciaë farinæ continent duplo majorem granulorum farinæ multitudinem, quam ejusdem tres unciaë habent, & ideo *atomi* hujus, duplo intervallo ab invicem recedunt magis, quàm *atomi* illius, hinc fit ut in descensu farinæ ad vasis fundum, gluten diversæ consistentiæ conficiatur, nempe duplo viscosius in eo cyatho, in quo farina duplo copiosior fuerit.

Supponamus modò gluten primum occupare canalem, per quem
vinum

vinum Rhenanum fivis, permeare debet, eumque obstruat, ita ut tres horæ requirantur, antequam vinum hoc, materiam obstruentem perterebrare possit, patet quod gluten secundum, semissem dosis materiæ obstructione aptam habens, eundemque obstruens canalem, citius perterebrabitur nempe duplo tempore: tandem gluten tertii vasis, cuius materiâ glutinosa, sub tripla est primi, & subsequi altera secundi glutinis, perterebrabitur ad huc breviori tempore, scilicet triplo primi, & sesqui altero secundi. Hoc cum lumine naturæ fieri posse constet, & planè in casu nostræ *excandescentie febrilis*, omnino idem fieri posse, probabiliter conicere possimus.

Cum enim supra probavimus, varias obstructions à *sanguine perturbatè commisto* oriri posse, tam in *glandulis*, quam alibi; quæ obstructions necessario inter se differre debent, propter majorem, vel minorem *visciditatem* materiæ obstruen-

110 NOVISSIMA IDEA

tis, & propter diversam ejus indolem; necessario tempora requiruntur, reciprocè proportionata, ejus consistentiæ, vel indoli antequam perterebrari possunt. Quare si obstruens materia ex. gr. unius scrupuli, in *febri quotidiana* perterebrari, vel resolvi poterit, post 24 horas, in *tertiana* sub duplum molis ejusdem materiæ, forsan perterobrabitur post horas 48, in *quartana* sub triplum ejusdem materiæ, pererebrabitur post horas 72, & tantundem dilatari intermittentias, seu distantias inter primum, secundum, & tertium paroxysmum.

Diximus stagnantes humores obstruentem materiam perterebrare, & adjungimus mox iterum coire, postquam transitum concessit, & illud tamdiu alternatim continuare, donec quocunque modo in totum tollatur obstructio, ac *febris* aut ipse ager.

Examinemus porro, quo pacto *particula viscosa* perforata, secundum

dum *naturam* iterum cocant, & coalescant; hoc evincunt non tantum omnia viscida, eandem mutationem subire solita, verum etiam pleraque *febres intermittentes* eradicantia, vel jugulantia dicta medicamenta, siue sint ea *incidentia*, *diuretica*, aut *sudorifera*, siue *vomitória*, siue *purgantia* per alvum, siue *spirituosa*, illa enim omnia videntur mihi, *febres intermittentes* curare, quatenus materiam obstruentem incidunt, absterunt, solvunt, atque educunt.

Quod agnoscat facilè quivis, medicamenta *febris intermittentibus* feliciter tollendis *specialia* dicta, seriò expensens, trutinansque, quod pluribus hic probare studiosè supersedemus, quod brevitati studemus, cum ex iis quæ hæcenus dicta sunt, proclivè sit unicuique id ipsum elicere.

Quoad *febris continuas*, hæc quidem non videntur differre, ab *intermittentibus* nisi in perseverantia continua *excandescencia febrilis*, *crescentis*, aut *decrecentis*, per easdem periodos quo-

112 NOVISSIMA IDEA

quotidianas, aut tertianas, &c. confidimus enim, *febres continuas* nihil aliud esse, quam *febres* se mutuo, tam citò subsequentes, ut altera nondum remissa sit, quando altera omnino incipit.

Varia *februm* genera hic enarrare, & ab *hypothesi* nostrâ deducere hujus loci non est, si verò acceptum fuerit, benigno lectori, quicquid hactenus in medium protulimus, forsitan *Divini Numinis auspiciis* illud aliquando præstaturi sumus, jam verò, fusius de his agere instituti non est, quapropter videamus, quo pacto *Methodicâ ac rationali cura* mederi queamus *febres*.

De Curatione Februm.

Antequam autem ad *februm curationem* progrediar necessum fore arbitror, primo benevolo, ac candido Lectori ostendere, quam parum ratione, ac vera *experientia* suffulta sit, *Medicorum*, non dicam
om-

omnium, sed plurimorum *methodus medendi febres*, ut discussis nebulis ignorantiae, vel praejudiciorum *Theoreticorum* quorundam *Doctorum*, falsa Hypothesi nitentium, clarâ tandem veritatis face illustrati, *Dogmaticam*, ac verè *rationalem curandi febres* rationem, gustare possimus.

Satis superque ex antecedentibus constare, tantum non confido, quod aliud quid est febris, quam *fervor praternaturalis in sanguine*, vel *incalescentia sanguinis* vel ejus *Aucta Circulatio*, vel *Ebullitio*, vel *effervescentia*, & quæ sunt similia.

Ac proindè ejus *curationem* plus exigere, quam *refrigerationem*, vel *humectationem*. Abundè enim probavimus *fervorem* non esse *febris essentiam*, sed symptoma, & propterea impossibile esse, *refrigerantia* propriè *febris* conducere posse, si enim *febris fervor*, *refrigerantibus* tolli debeat, quare tam periculosum est, *agrum febris fervore decumbentem*, frigido aëri exponere, si *refrigeratio*

114 NOVISSIMA IDEA

geratio tam utilis, ac necessaria est, quare hæc externè non adhibetur, aut quare hæc tam noxia est, imò quare in *febris pestilentialibus*, & aliis *malignis* in variolis, &c. non idem adhibere licet decocta refrigerantia, quare quæso lecto tam calidè agri continentur, quare *internè* conducerent *refrigerantia*, & externè nocerent, & cum certum sit, externè nocere, quare non dubitandum foret, etiam *internè* posse.

Si vero *refrigerantibus* *julapiis*, & *decoctis*, *Phlebotomiâ*, *catartihicis*, & quæ sunt istius *farinæ*, utendum in *febris*, & reverâ hæc remedia sint, quibus *febres* curari debeant, quo pacto concipi potest, quod nobiscum plurimis ex *autopsiâ* innotuit, *calida* imò *vehementer calida*, ut sunt *piper garriophilli*, *euphorbium spiritus vini*, *febres ardentes* curasse, si *refrigerantibus* curantur, quomodo nos *calidis* curamus; & nequis dicat, *calorem calore* tolli, sed animadvertat, quod *calida* hæc remedia, quibus

bus ego *febres* curare soleo, ea ipsissima sint, quæ adhibere solent curandis talibus affectibus, quibus calor naturalis deficit, & quæ huic negotio plurimum conducunt, amissum scilicet calorem restituendo, si ergo *fervorem*, sanguini impartiunt, quomodo *febres* curare possunt, si in *fervere febris* ipsa consistat.

Porro si *febres ardentes refrigerantia* exigant, quænam est ratio quod in *variolis & febribus malignis* secundum propriam eorum *methodum sudorifera* præscribere soleant, quænam est causa tanti discriminis amabo? Quum *febres* hæ, modo gradu, inter se differant, si autem in his *sudorifera*, & *calida*, in illis autem *refrigerantia* adhibenda sint, unde harum differentia distingui potest? ne *ardens febris* pro *malignâ* sumatur, aut *maligna* pro *ardente*, & præposterè calefacias, ubi refrigerandum, vel refrigeres, ubi calefaciendum, præsertim quum arduum, ne dicam impossibile sit, primis *paroxysmis* has di-

116. NOVISSIMA IDEA

discernere *febres*, quippe *malignæ* primis diebus sæpe numerò, signa *malignitatis* nulla exhibent: nonnullorum enim *experientia* fidem facit, postquam ex calore, *siti*, *pulsu* frequentiore, *urinâ rubicunda*, &c. judicarant *febrem ardentem* esse, & propterea *phlebotomiam* instituissent; *catartica*, ac *refrigerantia* exhibuissent, tandem innotuerit, *variolas* esse, *febresque malignas*, ac *pestilenciales* quibus hæc minimè conducunt, & ægri enecantur, qua propter si nulla alia, certè hac sola ratione, *refrigerantia* vitanda forent; quippè si *sudores* provocandi sunt, ubi aliqua reperitur in *febris* *malignitas*, & primis diebus hæc non appareat, vel rarò, *refrigeratio* non potest, non esse sæpe numerò periculosa, è contra, postquam in omnibus *febris* aliquid reperiat, quod *malignitatem* vocare licet, vel cùm nulla tam *ardens febris* produci possit, quæ sine *refrigerantibus* non tolli queat, modo non sit *lethalis*, nunquam *refrigerantibus*,

tibus, sed semper calefacientibus utendum foret.

Quod ad *siccitatem* attinet, illa reverâ *humiditatem* postulat, sed si ejus causam rimari velint, viderent *calentem*, & *calefacientem* potum, magis valere ad *sitim*, & *siccitatem* tollendam, quam *frigidum* vel *refrigerantem*; frigus enim liquoris propriè non est medium, quo *sitis*, vel *siccitas* tollitur, *humiditas* sola, & calor illud tantum præstant; cum autem *sitis*, & *siccitas* originem tantum ducant, à *diminuta sanguinis*, *humorumque circulatione*, & ab *obstructionibus* circa *meatus*, & *glandulas salivales* à *perturbatâ* eorum *mixture* ortis, sicut antea probavimus, quæ *refrigerant* conducere nequent, quia his magis *condensatur sanguis*, cursuque suo retardatur, quod sanè sedulò observandum, hinc enim appareret, *refrigerantia decocta* flocci pendenda esse, multique ægri, quorum *sanguis* in *febri*, ad *coagulationem* vergit, & horum *refrigerantium decoctorum*

118 NOVISSIMA IDEA

coctorum maleficio, adhuc magis
 coagulatur, non in agone mortis ver-
 farentur, vel tandem extinguerentur;
 atque ita nullo pacto *refrigerantia fe-*
bribus conducere queunt, si *sanguis*
 in omnibus *febribus* (quamvis in his
 magis, in illis verò minus) agglome-
 ratus, tardus, &c. existit, quod luce
 meridianâ clarius est; nam amabo
 quænam est ratio, quod qui agitatione
 corporis continuata, equitando puta,
 aut venando, &c. incaluerint, si ge-
 lidum potum aquæ, cervisiæ, aut feri
 lactis bibant, brevi è medio tollan-
 tur? nonne hæc est, quod *sanguis*
 ipsorum calore, & tali *fervore* tantam
spiritum dissipationem passus est, ut
 incipiat coalescere, & hoc potu gelido
 magis adhuc coalescat, & in motu
 suo facilè ita subsistat? nil enim aliud
 potus gelidus efficere potest, quam fri-
 gefacere, & propterea *sanguinem con-*
densare; si verò tali casu tam periculo-
 sum sit, potus gelidi usus, ut ex *autopsia*
 constat, nihil autem tam utilè, ac neces-
 sarium quam *spiritus vini* haustus, qua-
 rè

re obsecro non perpendere mus cùm in febribus fervor, sitis, sudor, & anhelatio, quamquam ad aliis causis producta occurrant, an usus decoctorum refrigerantium non noceret, eodem modo ac in his, in quibus semper est defectus, vel compressio, vel suffocatio spirituum, præsertim cum sæpius ægros brevi extinguere febre videamus post *vene sectionem*, ac usum refrigerantium medicamentorum; non inficias ibo, nonnullos hiscè curari, sed reverà casu magis, quam medicamentorum usu, vel quod non usque adeo diminuta fuit sanguinis circulatio, ut planè acidis, ac refrigerantibus hisce medicamentis, ad sublitendum cogeretur; qua propter necessum fore existimo, alia uti methodo, præsertim cum *experientiâ* quotannis constet, febres plurimum grassari, post fructuum horariorum immoderatum usum, nec non refrigerantium potentiorum omnis generis, & quas malignas appellamus, in *Autumno* postquam appropinquavit frigus, quid enim

enim aliud hæc indicant, nisi quod usu horum fructuum, tanta *aciditas sanguini* conciliata sit, ut *spirituose sanguinis particule*, vel *enerventur*, vel nimium comprimantur, quibus plus satis nimio æstu, & ingenti transpiratione & sudoribus, jam omninò dissipatis, non sufficiunt ad *sanguinem* à coagulatione, & *perturbatâ* *mixture* vindicandum, quippè qui cum omnibus humoribus tardius progrediens, varias *obstructiones*, variæque *symptomata* parit, præsertim cum propter *frigus* pori magis constricti sint, minusque *particule acide* avolandi copiam habeant. Quod cum verum sit, quo pacto medius fidius *venesectione*, & *refrigerantibus decoctis*, huic tardius circulanti opitulari quis potest, dum his magis magisque condensetur, ac retardetur, donec tandem integra *sanguinis coagulatio*, & mors ipsa sequatur, ut plurimum contingit.

Sed supponamus *febrim fervorem* esse, uti. reverâ in plurimis præcipuum *symptoma* exhibet. Quid tum?

an

an refrigerandus hic est? imo reverâ
 tollendus *fervor*, sed an non alia dan-
 tur media, quibus illud fieri posset,
 quam *venasectio*, *refrigerantia*, ac
acida julapia, ac *decocta*? certè ex-
 cogitanda forent talia remedia, qui-
 bus *fervoris* in *febrientium sanguine*
 existentis causa, tolli queat, sine
 majori *sanguinis condensatione*, & ejus
 consueti, ac naturalis *motus* retarda-
 tione: cum autem talia dentur, quæ-
 nam quæso obstinatio est illis non uti,
 nulla quidem habita *agrorum* ratio-
 ne, vel ipsorum propria, ac *Dogma-*
tica ratiocinatione, quod ad me spectat,
 quamquam me scommate excipient,
 vel calumniis infestabunt omnes, qui
veteri, & consuetæ suæ *methodi me-*
dendi febres insistant, malo *agris* meis
 consulere, quam eorum mihi *bene-*
volentiam conciliare, & propterea *ca-*
lesfacientia præscribere, quam vehe-
 menter *refrigerantia*, quæ citius tru-
 cidabunt *agros*, quam curabunt, vel
 eos pristinae fanitati restituent. Ra-
 tionem exigis? dabo, primo obser-

F van-

vandum *Calida*, ac *Calefacientia Medicamenta*, melius, minorique discrimine, *fervorem* cujuscunque indolis sit, tollere in *febris*bus, quam *refrigerantia*. Deindè in omnibus *febris*bus vel ardentissimis, *calorem* non esse nimis *auctum*, sed *diminutum* & deficientem, & proindè non refrigerandum, sed calefaciendum esse, ita ut calefaciendo, *fervor* agris tam molestus, discutiatur, & ôparadoxum! calefaciendo frigeat, [percutio te benevole Lector? Pone metum, ratione probabo, ne tamen repetere videar, quæ ante dicta sunt, hanc novam rationem hic addam.

Calor agros infestans *febrientes*, idem esse potest, qui in eorum *sanguine* reperiabatur, ante invasionem *febris*, umvis aliquantulum *auctus*, propter ingentem *perturbatam sanguinis* missionem, qui *calor*, cum velocissimè progrediebatur *sanguis*, & ubique liberum com meatum obtinebat, *sensibus* molestus nequaquam erat, sed *tardior* *circulante sanguine*, ut in *febri-*

febris solet, & jam probavimus, quid mirum, si singulæ *partes corporis*, *calorem* suscipiant, & ab hoc afficiantur, *experimenta* supra allata hujus rei fidem faciunt, quæ hic repetere supersedemus. Sufficiat dixisse, ignem subtilem, & citò transeuntem, non lædere, & cum illud etiam locum optineat in *sanguine* in statu sano, ejus *calor* forsan magis auctus est, quam in *febris*, sine ulla tamen læsione, vel periculo, vel sensu; è contrà *calorem*, vel *fervorem* persentire *agros*, quia lentius progreditur, nimique acris existit, hæc est genuina illa, *Caloris* in *febris* causa, & *candida* illa *veritas*, quam in *democriti* vel si velis ignorantie puteo latuisse hæctenus confiteri debemus.

Concludimus ergò *attenuantia*, & *temperantia* *febris* conducere, *refrigerantia*, verò *Phlebotomiam*, &c. omninò nocere.

Futiles mihi quidem videntur rationes, quas pro *venasectione* dari solent; scilicet *hanc* adhiberi, ad diminuendum *sanguinem*, ad ejus re-

frigerium & condensationem, ad *sedandam* nimiam ejus *exaltationem* ut loquuntur, *rarefactionem*, *fervorem*, *agitationem*, *ebullitionem*, & quæ sunt similia, quare quædò ratione *plethoræ*, cum nulla detur, & si detur ubinam sunt ejus signa ubi argumenta? quæ enim hætenus data sunt nihil arguunt, & falsa esse ostendere possumus, si hujus loci foret.

Refrigeratio non minus nocet, & proinde *venæsectio* inutilis, & noxia; sic pro *fervore sanguinis*, & ejus *ebullitione* non magis prodest ut postea adhuc clarius videbimus. Concludimus itaque *venæsectionem*, & *refrigerantia medicamenta* parum proficua esse, & si aliquando curetur *ager*, non obstantibus crebris hiscè *venæsectionibus*, & *evacuationibus*, idem illi contingere, ac ei qui ex gravi vulnere ægrè convaluit, cum autem quorum *venæsecta* frequenter est in *febris*, soleant sæpissimè diu decumbere, & rarò integrum restitui, sed facili negotio *Ictero flavo*, *Lencophlegmatia*,

Hy-

Hydrope, vel tandem aliquando *Phthi-*
si corripitur ut experientiâ quotidie
 constat, rationi non consentaneum
 esse arbitror, hiscè uti.

Ut autem meliorem, & magis ra-
 tionalem febrium curandarum ratio-
 nem, amico Lectori exhibeam, enixè
 rogo, quæ sequuntur sine præjudi-
 cio perlegat, examinet, & evolvat.

Quoniam *febris* causa nobis est vi-
 sa, ac constituta *perturbata sanguinis*
mistio scilicet, perversa *particularum*
sanguinis commotio, curatio illarum
 absolvetur, si *perturbatam sanguinis*
mistionem emendare possimus.

Cum autem, hæc pro causa sua
 agnoscat, *spirituum compressionem*,
suffocationem, vel *defectum*, à parti-
 culis heterogeneis seu *acidis*, seu *salsis*,
 seu *viscosis*, &c. ei commistis, undè
particulæ sanguinis nimium agglome-
 rantur, ipse *sanguis* minus *efferve-*
scat, & minus *velociter* per *univer-*
sum corpus procedat, undè omnia *fe-*
brum Phenomena deduximus; totius
 rei cardo in eo versabitur, ut causas

126 NOVISSIMA IDEA

agglomerationis, & diminuta sanguinis circulationis tollere possimus, sanguinemque pristinae effervescentiae, ac velocissimo suo cursui restituamus; scilicet ut ejus insensibiles particule ad justam, aequalem, regularemque commistionem ac unionem redigamus, acidum & salsum, & quæ sunt similia emendemus, omnesque obstructions exindè productas solvamus.

Omnem hanc paginam obsolvent, sales lixivi, volatiles, ut sal volatile C. C. sal armoniacum; & fixa quatenus infringuet potentissimè sanguinis acrimoniam, ac concentrant, ut sunt Corallia, Margarita, oculi: cancr; succinum, Cbalibis limatura, vel tinctura, sal volatile oleosum quo abundat spiritus vini aromaticus, aqua Vit: Math: Elixir. Vit. Nostr. omnesque aque aromatica, &c.

Camphura naturale sal volatile oleosum, sperma ceti, &c.

Spirituosa seu spiritus volatiles puri, vel aromatici, quibus spiritus acidus præcipuè temperatur.

Oleo sa

Oleosa, quæ obtundunt *acidum* ut, sunt præcipuè *olea aromatica stillaticia*, &c. hæc enim videri possunt factis apud auctores & ab his peti.

Evacuantiâ sunt præcipuè, *sudorifera aromatica*, aut *volatilia diuretica*, *vomitória* aut *catarthica*, quæ raro tamen mihi usu veniunt, & si aliquando iis utor, illud nunquam fit, nisi *temperato prius humore acido*, quia *humores acidos* nulla edunt *purgantia* blandè, nisi adferi naturam deducti sint, sed meam de *Catarthicis* opinionem, in fine dicturus sum.

Si *Analyfi Chymicâ*, medicamenta quorum hic mentionem fecimus, examinare velimus, reperiemus in iis contineri ut plurimum, *spiritus*, *sal* vel *fixum*, vel *volatile*, & *oleum*.

Horum medicamentorum operandi modus, fit *commotione particularum insensibilium* eorum, quæ quo major est, eo magis secundum meam opinionem conducunt. Differunt hæc *commotiones* inter se secundum magis, & minus, & secundum *diver-*

128 NOVISSIMA IDEA

sitatem pororum. Nam si *sal volatile armoniaci*, & *sal tartari* in liquore quodam dissolveris, puta *spiritu vini*, majorem *particularum insensibilium commotionem* excitabunt, quam *spiritus vini* solus, ut sequenti experimento confirmatur; si enim bini hi sales, cum *spiritu vini* commisceantur in vitro, altero autem vitro *spiritus vini* solus infundatur, & ex ambobus idoneo instrumento exanthletur aër, illicò apparebit. *spiritum vini* cum *salibus commistum* magis se attollere, quam *spiritus vini* purus, & solus.

Ratio est quia *sales* hi multum differunt *figurâ*, tam ratione *magnitudinis*, quam *subtilitatis*, alterum enim est *sal volatile*, alterum autem fixum.

Deindè *spiritus vini* constat paucò oleo, plurimò *salle volatili*, & *spiritu acido*, & proindè facillè ratione discerni potest, *commotionem in discrepantibus* hiscè *particulis*, subitanea *Materia subtilis* transmeatione excitari debere, & quidem propter *contrarietatem tubulorum*, à prædictis *particulis relictorum*. Si

Si addantur his *aromatica*, ut plurimum *oleo*, *spiritu*, & *sale* constantia; certum est, novam quandam commotionem in *particulis* horum *insensibilibus* excitari; nam quamvis omnia, quæ ad *febres* curandas commendamus medicamenta, consistant ex *spiritu*, *oleo*, & *sale*, non sequitur tamen eorum *particulas* ejusdem *figure*, *magnitudinis*, &c. esse, diversi enim *odoris* est *oleum rorismarini* quam *menthe*, & sic de cæteris.

Porro si examinemus *consociationem* harum *particularum*, reperiemus eas eodem modo collocatas non esse, sed planè diverso. A quâ diversa *particularum* commistione, tot & tam diversa corpora producuntur, quot & qualia in *vegetabilibus* observare solemus.

Hinc concludimus, per corpusculâ, hujus, aut istius *vegetabilis*, *diversam Materiam subtilem* permeare, ad eorum diversam pororum, varietatem accommodatam; quia unumquoque *vegetabile* tubulos suos habet

130 NOVISSIMA IDEA

peculiares, undè neccsariò major, & velocior remotio *particularum* ori-
ri debet, in diversis, ac discrepanti-
bus corporibus, quam magis *homoge-
neis*, à quâ velociori *particularum*
commotione, dissolutio corporum ma-
ximè dependet.

Ratio est, quia *multifariæ* hæ *par-
tiuula* tam arctè, & accuratè combi-
nari nequeunt, quin intervalla, seu
interstitia habeant, quæ liquidiori,
ac subtiliori *mate.riæ* spatium, ac com-
meatum concedunt: nonnullæ enim
rotunda sunt, aliæ *triangulares*, aliæ
ramosa, &c. ex quarum agglomera-
tione, corpus solidum effici nequit.

Indefinitum itaque datur discrimen
tubulorum, in his quæ præscripsi-
mus: quamquam non inficias imus
non dari tantum, quantum inter cor-
pora planè ex diversâ *constructione par-
ticularum* constantia dari solet: quip-
pè magis tubuli *absynth*: assimulantur
mentha, quam *antimonio*; quoniam
majus est discrimen, inter *particulas*
quæ constituunt *antimonium*, quam
quæ

quæ constituunt *mentham* : ex *philosophia* jam innotuit, circa omnia corpora *mista*, quorum *particula* arctè agglomeratæ sunt, veluti *circulum* corporum liquidorum, vel subtilium, ut circa *magnetem* commoveri; impossibile enim alias foret, comprehendere, quo pacto ea corpora, continuam permeationem *Materia subtilis* admitterent, quippè corpora se mutuò movere debent; nullus enim alias daretur motus, si omnia corpora *circulariter* se mutuò non protruderent, ex: gr:

Pila manu propulsa, nihilominus procedit quamquam à manu separata sit; sanè pilæ processus, non pendet amplius à manu postquam ab ea separata est, sed ab *aëre*, eodem momento quo propellebatur pila compresso, non potuit enim progredi pila, nisi ante se *aërem* propelleret, nec *aër* propelli, nisi eodem momento quo pila progrediebatur, ejus locum iterum occuparet, & ponè comprimendo pilam eam propelleret, ita ut minor, aut

major progressus pilæ, tantum dependeat à minori, vel majori vi, quâ manus ope pilæ, *aërem* propulsat, atque ita pila progrediendo, circulos in *aëre* conficit, & donec hi circuli, vel vortices depressione corporum, versus centrum terram impediuntur, perseverat in motu, alias enim in infinitum procederet pila, nisi vel generali hac causa, vel vento motum contrarium circulari motui pilæ, *aër* obtineret, sed iterum ad rem.

Hæc corpora subtilia diximus præcipuè reperiri, circa corpus aliquod solidum, minus regulariter verò circa fluidum, & ratio hujus videtur esse, quia uniformitas tubulorum diutius inhæret corporibus solidis, quam liquidis.

Hinc sequitur, quod Materia hæc subtilis circulariter corpora ambiens, leviori negotio particulas fluidas ad demigrandum propellit, quam hæc fluidæ, Materiam subtilem, ita ut particula in circulo Materie subtilis contentæ, hoc pacto analogiam quandam

dam cum tubulis corporum solidorum & structurâ eorum nanciscantur; nam dum *particulæ Materiæ subtilis fluidas corporum solidorum* propellunt, *fluidæ* locum earum irerum occupant, & sic analogiam quandam tubuli inter se acquirunt.

Postquam jam *particulæ corporis misti* alicujus, *analogiam* quandam ratione structuræ *particularum* obtinuerunt, cum *particulis subtilis Materiæ*, scilicet quod facili negotio per tubulos *misti compagis* influere possunt *particulæ materiæ subtilis*, hæc iterum *misti struis* in tubulos *Materiæ subtilis*, sequitur quod *aër*, & aliæ *particulæ* ex tubulis prædictæ *compagis* protrudi, & *spirituose subtiles*, & maximè *analogæ figuræ* tubulorum *Materiæ subtilis*, circulariter eos iterum ingredi debent; ut illud in dies in *magnete*, & alijs corporibus fieri consuevit, quæ alias minimè dilucidari queunt.

Ingressis jam in tubulis *misti struis sanguinis* *particulis spirituosis*, ac sub-

134 NOVISSIMA IDEA

tilibus, multifariis *salium volatilium* *particulis* commistis, nova mutatio huic *misti strui* impertitur; nam cum tam arctè invicem *particula sanguinis* agglomerari nequeant, quin aditum præbeant subtiliori *Materiæ*, cujus ope se veluti arcus extendunt, aliisque auxilio sunt, ut sese magis extendant, contra pressuram circum volitantium corporum, quam tandem superant, & sic magis laxam *Materie struem* reddunt.

Quantum prædicti, *sales* huic usui inserviant, jam facilè concipimus: horum ope *intumescensia* quædam in *compage* producitur, quâ pressuræ externæ resistitur, hinc immediatè sequitur demigratio propriarum *salium particularum*, aliarumque quæ una cum ipsis in compositione medicamenti existunt.

Deindè ita agitata *particulas oleosas* incidunt quæ quibusdam exiguis impedimentis quasi adhuc involutæ erant, & sic *sali volatili* copia datur aufugiendi, quoniam *oleosa* jam dissolu-

solutæ sunt , *spirituosa* vinculis suis,
& compedibus liberatæ, & sic tan-
dem laxa redditur integra *misti strues*,
& pressura externa superatur.

Camphora ut male audiat apud plu-
rimos sed rei ignaros, ita à *Peritis* plu-
rimi habetur, & proindè non imme-
ritò fusius de illa dicendum. Variis ex-
perimentis compertum habemus, *sal*
volatile oleosum naturaliter in *campho-*
ra existere, quippè igne omninò con-
sumitur, & avolat in aëra, & disso-
luta *chymicè*, *oleum* exhibet maximè
penetrans, & *sal volatile*, massa triti-
cea subacta, & furno imposita, om-
ninò dissolvitur, aquâ verò minimè,
certissimum argumentum, plurimum
olei in ipsa contineri, *ardor* quem
linguæ impertit, signum est ipsam
plurimo *sale volatili* imprægnatam
esse, sic ejus *odor* vehemens illud ar-
guit, atque ita ex accuratâ ejus *analisi*
planè constat, *perfectissimum sal vo-*
latile oleosum *camphoram* esse, imò
nullum in rerum natura dari posse, vel
arte, vel naturâ perfectius, in quo
oleum,

136 NOVISSIMA IDEA

oleum, & *sal volatile* tam exactè commista, & unita sunt.

Mirandum meherculè, ejus virtutes tot secula fuisse ignorantia sepultas; credebant *Majores* summo gradu (ut loquuntur) frigidam, & dolendum fanè à tam paucis cognitam esse, millenisque casibus, quibus summâ utilitate adhiberi posset neglectam, experientia tamen docuit nonnullos, illam maximum antidotum contra *febres pestilenciales* esse, & in *inflammationibus* plurimum valere, in multis tamen adhuc neglecta est, quippè multi *agri* gangrænâ affecti, citius, ac tutius curati fuissent, si hoc tam mirabile medicamentum novissent: quam distinctè amabò ipsis innotuisset modus medendi hisce affectibus, si rectè ejus naturam rimari voluissent; illa enim nobis autor est, curam *inflammationum salibus volatilibus*, ac *oleosis* peragi debere: illa sola stupendum in modum illas tollit, lenit illa dolores acutissimos, aliaque *symptomata*: ab ipsa erudimur, qualem dispositionem

in

in febribus habeat sanguis, dum inflammationes emendat, ubi partes acido coagulat, & perturbatè commixtæ existunt: idem illud præstat in sanguine in vasis suis progrediente, vel in hac, aut illa parte stagnante, in omnibus contusionibus præstantissimum exhibet medicamentum, ad coagulatos succos, & sanguinem illicò discutiendos, & pristinæ fluiditati restituendos; cum spiritu vini sola modo commista, exustis partibus summo successu usurpatur.

Ipsa nobis indicat, non habendam amplius fidem esse, talibus medicamentis quæ (fasset dicier) quasi consecrata habebantur, quando crassa ignorantia illa adhuc ignota erat; nec non, vim omnium *vegetabilium* maxima ex parte in eo consistere, quod *camphora* totâ suâ essentiâ ostendit, quando magis secundum flendrium, quam secundum rationem *praxis medicæ* exercebatur, & stupebant *Medici* calidis medicamentis, calidos morbos curari; quoniam nec cum eorum *theoria*,

138 NOVISSIMA IDEA

ria, nec quotidiana praxi conveniebant, videntesque mirandos ejus effectus, pro arcano ipsam habebant, eo contenti, sine ulla ulteriori indagine: unde causa tam stupendi effectus. Sed quid ego hac autem nequicquam in grata revolvō? sufficiat compendio demonstrasse, quanti æstimanda, & quam seriò in usum revocanda sit, ut tandem aliquando innotescat, *Medicinam* à levioribus principiis pendere, quam hactenus creditum est: putabant antea singulis herbis peculiarem vim inhærere, ignari illud modo consistere, in majori, vel minor; quantitate *salis volatilis*, olei, & spiritus: cui addendum, quod ex hac, faciliori negotio quam ex illa herba, vis, & energia melius, vel ope digestionis vel decoctionis elici potuit, quod facilius ex camphora fieri potest, quare draghma camphoræ plus præstat, quam libra herbæ.

Sperma ceti plurimum *camphora* assimilari videtur, quippè *oleum volatile*, sed minor quantitas *salis* ejus
essen-

essentiam constituunt. Credo equidem ego, plus præstare, quam propter putidam ignorantiam nonnullorum hæctenus creditum est: videtur gummi esse, sicut *camphora* vel bitumen ex mari tractum, in te *medicâ* periti, experti sunt plurimum dissolvendis, ac discutiendis coagulatis humoribus valere, propterea maximè adhiberi solebat internis affectibus, à casu, vel ictu ortis, ad *pleuritidem* curandam tandem adhibita fuit, si verò compertum esset, quantum curandis *febris*, & externis affectibus conducatur, pluris haberetur; proximum locum post *camphoram* occupat, præstantissimum anodinum esse nulli non innotuit.

Si *Sperma ceti*, & *camphora* cum *spiritu vini* utpotè constante, ex *spiritu volatili*, & parum *olei* commisceatur, exhibet *sal penetrans*, & *oleum*, cum aliis *aromaticis*, & *sale volatili* commista, ingentem vim medicamentis addunt. His enim (secundum meam opinionem) velocior *commotio*

par-

particulis insensibilibus sanguinis im-
partitur, sales lixivi, & sal tartar:
crassioribus, & viscidioribus particu-
lis dissolvendis maxime inservit, ex-
citando majorem commotionem in
particulis. Quæ commotio pertur-
bat sanguinis missioni, & ejus tardio-
ri circulationi mirè conducunt.

Modus operandi prædictorum me-
 dicamentorum, præsertim quoad fo-
 cum quo latet causâ mali in febribus,
 talis est. Si in *partibus* quibusvis so-
 lidis vel *massa sanguinea* existat, con-
 siderandum, nunquam *glandulas* sive
conglobatas, sive conglomeratas, alias-
que partes solidas, venas, arterias, &c.
 ita obstrui posse à *sanguine perturbatè*
commisto, neque spiritus sanguinis ita
 suppressi, ac suffocari, quin *particu-*
las fluidas continuò emittant.

Cum jam ex medicamentis prædi-
 ctis, talia seligi possint, quæ maxi-
 mam *analogiam* habent, cum *particu-*
lis sanguinis suppressis, vel perperam
 commistis, quarum non nullæ exha-
 lant, propter affinitatem quam inter
 fe

se *particulæ* hæ exhalantes habent, cum particulis medicamenti, ejusdem ferè naturæ existentibus, mutuò utriusque tubulos, & poros ingrediuntur, & unâ fluidas, aliasque affines particulas secum rapiunt; cum enim subtiliores sint aliis, faciliori negotio eas sequi possunt, quam quæ magis agglomeratæ sunt.

Hæ itque *particulæ spirituosæ subtiles*, &c. medicamenti, ingressæ *subjecti compagem*, non nullas *particulas spirituosas*, ac *fluidas* propellunt, è tubulis suis, & earum loca exinanita replentes, & sese cum reliquis adhuc suppressis particulis conjungentes eas expandunt, & *agitationem*, vel *commotionem* in iis moliuntur; quippè major jam datur proportio *particularum subtilium* quam antea dabatur, & in *sanguine*, & in *particulis suppressis*: sunt enim *particulæ medicamenti spirituosæ*, & *volatiles oleosæ*, quæ *commotionem* hanc excitant; hæ enim majori circulo indigent motui peragendo, & ramulorum extensioni, unde
par-

particulæ spirituosæ, & oleosæ jam suppressæ, & naturaliter in *subjecticampage* existentes, acquirunt majorem conatum, se jam magis *Materiâ subtili* in stigatæ extendendi, utpotè quæ minus jam comprimuntur Atmospheræ pressura, propter commotionem quam *particulæ* hæ *advenientes* excitant, atque ita sedulò operam dant, ut pressuræ externæ resisti possit; hinc magis ipsis copia datur sese commovendi, quod ope *salium volatilium* cum *acidis* particulis luctantium, & intestinam quandam commotionem producentium, non parum promovetur. Par omninò est ratio aliarum omnium particularum discrepantium, in novissimè adductis hisce medicamentorum particulis latentium.

Hac blanda commotione intumescunt itaque, & copiam acquirunt sese melius invicem commiscendi, ut potè quæ liberè jam remonentur, & justæ ac æquali proportioni restitutæ, impulsu *Materiæ subtilis*, propriis locis iterum collocatæ sunt, & mo-

tus, & situs particularum principalium talis fiat, ut *Materia subtilis* ne minimæ quidem resistentiæ occurrat, & *perturbata* hujus *mistionis* planè nihil relinquatur; atque ita *acidum aequali* *proportione* cum aliis particulis iterum commiscetur, *viscosiores*, ac *tardiores* à *spirituosis* portantur, *aquosæ* liberum com meatum ac spatium avo-landi acquirunt, & ut compendio dicam, quicquid antea suppressum, & latâ superficie agglomeratum erat, jam blandè universali transmeatione *Materia subtilis* protrahitur id est fluidius redditur.

Hoc dum fit succi totius sanguinis se mutuo à tergo insistentes, protrudunt *coagulatas*, & *obstruentes particulas*, easque secundum earum fluiditatem propellunt, ita ut *naturalis commotio particularum* secundum angustiam vasorum blandè iterum promoveri incipiat.

Interim magis magisque *misti strues* fluidior redditur, copiamque acquirunt *particulae subtiles oleosæ*, sese
aci-

acidis conlociandi; nam si cum aceto butyrum commisceas, facilè se mutuo conjungunt.

Succis sanguinis jam gradatim iterum dissolutis, ac ritè commistis, necessariò *symptomata* quæ à priori agglomeratione, ac perturbatâ *mixture* pendebant, diminui debent, *sublata enim causa tollitur effectus* hinc sequitur, *pulsus frequentem præternaturaliter* jam tolli debere, quoniam *sanguis* in corde ritè effervescentis jam magis intumescit in eo, & pressuram *Atmosphære* exsuperat, *cordis* parietes magis expandat, & crebræ contractioni *cordis* propter ejus *antæ* effervescentiam resistere queat, undè *rarefactio* ritè peragitur, sanguisque majori impetu in *Arteriam* magnam profilit, & velociori cursu per vasa properat, nec necesse habet reiteratis *pulsibus* viscosum sanguinem propellere, qui jam egregiè rarefactus, *compressioni cordis* obtemperat, & celerrimè progreditur, nam dum magis se expandit *cor*, momen-

ta nonnulla magis impendit, ad ejus dilatationem, & constrictionem, & propterea *pulsus* iterum *tardus*, & *amplius* evadit.

Quia *priſtinæ fluiditati* jam iterum reſtitutus eſt *sanguis*, ad omnia vaſa ſe accommodare poteſt, ac citius progredi, & quia *acidum*, cauſam frigoris in ſe continens & ſanguinem coagulans jam quaſi enervatum eſt *aromaticis*, *ſpirituosis*, *oleosis*, *volatilibus* & tantum temporis non habet afficiendis fibris, *frigus tollitur*. Quippe ope *ſpiritus animalium*, *sanguis* majori impetu è corde profilit, & ſufficienti *quantitate*, & *juſta qualitate*, ad corrigendum *acidum* ſcatens in corpore, hi in *cerebro*, è *sanguine* iterum ſecernuntur.

Calor auctus diminuitur, quia *particulæ inſenſibiles ſanguinis*, æqualem iterum *figuram*, ac convenientem *ſitum* habent proportioni pororum accommodatum, & rectè incidunt in poros fibrarum nervorum; nec non, quod ſublata *perturbatâ miſtione ſanguini*

guinis, amplius talem dispositionem non habet, quam *Broeyinge seu Heat* indigitamus, & propterea tantum *Materiae subtilis* non requiratur, ad replendos ejus poros, nec quæ *fibrillas subtiliores nervorum*, impetum in eas faciendo afficiat, sed per meatus proprios transeat sine ullâ earum læsione.

Deindè quod *sanguis* velocius progrediatur, & propterea non urat; *ignis enim subtilis, & cito transiens sensum caloris non infert.*

Sitis aucta emendatur, quia *particula salina* perperam propulsæ ad *glandulas salas salivales*, & earum meatibus inhærentes, omnesque; obstructions in iis productas, tollantur & nullæ *particula heterogeneæ* plus ad eas propellantur, quoniam non existit amplius *perturbata sanguinis mistio*: *salibus* porrò *volatilibus*, ac *spirituosis*, *salina particula soluta*, ac emendatæ sunt; deindè *Materia subtilis* tanta copia in *sanguine* non existit, ut corpora liquida, partium superficiem occupantia, ita dissipari poss-

possint, & sublatis obstructionibus, *particula aquosæ* sufficienti copia ad-
vehi iterum possunt, ad reparandas
amissas, & sic tollitur siccitas.

Dolor capitis emendatur, quoniam
particula insensibiles sanguinis proprio
situ, collocatæ, æqualem iterum
proportionem cum vasis obtinent, &
tantâ pervasâ velocitate progrediun-
tur, ut tempus iis deficiat fibras ner-
vorum afficiendi, deindè ritè iterum
temperantur, & consequenter minus
fibras lædunt.

Anxietatibus subvenitur, quia su-
blatâ *sanguinis perturbatâ mixture*, fer-
menta ad *ventriculum* majori quantita-
te, ac iusta qualitate & sufficientibus spi-
ritibus reserta deferuntur, undè con-
tenta magis intumescunt, & lævia eva-
dunt, & *ventriculum* magis expandunt,
spatiumque; requisitum requirunt, ad
absolvendam *fermentationem* qua *ven-*
triculi contractio vehemens impedi-
tur, & sic *aëris pressuræ* resistitur, &
omnia ordine procedunt, ac peragun-
tur.

Nausea tolluntur, quia acidum, & salsum quibus antea scatebat sanguis, jam emendata, vel enervata sunt, & proindè tantâ copiâ ad glandulas oris, faucium, ventriculi, & intestinorum deferri nequiunt, ut vel salivam vel fermenta ventriculi, bilem, succumve pancreaticum, &c. afficere queat.

Vomitionibus, quia acidum, & salsum acre, ac pungens, quibus alimenta vitiabantur in stomacho, omnesque fibre ventriculi indefinitis modis afficiebantur, his medicamentis, vel emendata, vel sublata sunt, succurritur, sic diarrhæe eadem ratione.

Et quoniam âperturbata sanguinis mixture secretio, ac propulsio particularum subtilissimarum sanguinis vitata est, unde Phrenitidem deduximus, sublata medicamentis hiscè perturbata & vitiosa spirituum animalium mixture, secretionem, ac propulsione, spiritus hi minus confuse agitati magis regulariter incidunt in poros
con-

consuetos, undè *anima* cogitationes magis regulares stabilire potest, & sic *Phrenitis* tollitur.

Sic vigiliis eodem modo, & propter easdem rationes succurritur.

Febris intermissio, ac propterea *febris* ipsa, *intermittens*, sanatur quia medicamentis quæ præscripsimus, non solum causa *perturbata* *misionis sanguinis*, *acidumque* quo coagulatur, emendatur, sed etiam *obstructiones* quæ passim in omnibus *partibus solidis* ab ipsâ produci possunt tolluntur, his enim *pituita obstruens* solvitur succique pristinae fluiditati restituantur.

Non animum induxeram *methodum medendi* præscribere, sed ne videar celare me velle, quæ ad curandas *febres* conducunt, ingenuè meam medendi rationem proponere non detrectabo, pace tamen omnium liceat, non omnia peculiariora medicamenta quibus *febres* curare soleo in lucem edidisse, sufficiat quæ hic sequuntur,

Primo, sedulo inquiero cujus indolis perturbata sanguinis mistio sit, an spirituose sanguinis particula supprimantur, vel suffocentur, vel enerventur, à viscidis particulis in sanguine scatentibus, putritosis, gummosis, &c. vel salinis vel acidis, &c.

Deindè examinare soleo, num ad agris patratum sit aliquod in rebus non naturalibus erratum, ex quibus indicationes meas sumere soleo, & scèdum quas & symptomata curationem instituo.

Cum jam agros febris laborantes præsertim intermittente non tamen curatos putem, quamquam sublata est ista febris, ni humorum vitia fuerint simul sublata, quoniam sæpe recidivas patiuntur agri alias, vel in alios incidunt affectus, si notata permaneant vitia, non immeritò partem curationis febrium pono, in humorum quorumvis in agrorum nostrorum corporibus peccantium correctione, quin aliquando diminutione per evacuationem multifariam.

Post-

Postquam verò ostendimus, *perturbatam sanguinis mistionem* pro causa sua agnoscere, *putritam viscositate nima, humoresque vel particulas aciditate*, quandoque *austeritate, salsedine, & acredine* excedentes, in horum omnium tum correctionem, tum diminutionem sedulo incumbo.

De *dieteticis* remediis nihil dicturus sum, hæc enim ab omnibus autoribus peti possunt, præsertim à *Clarissimo Sylvio, & à doctissimo Johanne Jones* in tractatulo suo de febribus, qui fusius de his tractat, quam mihi animus est.

Si suppressi, vel suffocati spiritus sunt à nimia *viscositate*, & *putrita glutinosiore* in sanguine scattente, & exinde *mistio sanguinis* existat *perturbata*, & consequenter febris: adhibere soleo omnia *aromatica*, & *sale volatili acri* prædita, huc referri debent, ex utrisque mistis composita medicamenta, ut *sal tartari vitriolat*:

quo referrendum *Oxymel scilliticum*, & similia plura.

Si *aciditas* nimia in causa sit *perturbata mistionis sanguinis*, ut fere semper contingit, peto medicamenta ad corrigendam hanc, ab *aromaticis*, & *sale* tum *fixo*; tum *volatili* præditis, *spirituosis* in primis *aromaticis* junctis, *subpinguibus*, & quidem *volatili*, & *aromatica pinguedine* præditis, ut sunt *olea Scillanitia* *Maceris garriophyllor: Cinamomi*, &c.

Præ aliis omnibus *humorem acidum*, ac *austum* corrigentibus efficaciter, ac emendantibus in *febribus* adhibere soleo, *sales volatiles*, & inter alia *spi: sal: armoniaci*, omnibus mihi hæcenus notis *aromaticis* præferendus, sic & *sal: volat: cor: cer:*, ut & *spirituosa*.

In genere præcipuus mihi scopus est, *sanguinem* pristinae fluiditati, ac velocissimo cursui restituere, *perturbatam mistionem sanguinis*, omnesque *obstructiones* exinde ortas tollere,

lere, & *sales* perperam fermentantes
contemparare, eo quod *salium* se-
paratio ab humoribus, & expulsio
frustra speratur, cum *sales* partibus
solidis semel imbibiti & incorporati,
ægrè possunt ab illis secerni, & ejici:
videmus enim, ab aquâ marinâ non
posse nisi distillatione solutâ aquâ, in
vapores *sales* separari, potius igitur
prædicti *sales* contemperari, & edul-
corari possunt.

Vel admiscendo *fluida menstrua*
appropriata, & simul adhibendo *sa-*
les contrarios experimur in aquâ forti,
quæ acredine *salina virioli*, & *aluminis*,
componitur, quæque tam valida exi-
stet, ut *argentum* possit corrodere, & in
atomos minutissimos dissolvere, huic
verò *aquæ forti* si addatur *sal armo-*
niacum multò magis acre, quam sunt
vitriolum, & *alumen* ne dum vim
majorem corrodendi non acquirit,
sed è contrâ quam habebat amittit,
adeo enim retunditur, & debilitatur,
ut nequeat amplius *argentum* corro-
dere; similiter *mistura salis nitri*, &

154 NOVISSIMA IDEA

sulphuris accensibilis est, & addito
sale armoniaco accendi nequit; alibi
 postea *sal prunella* ex iisdem *nitro*, &
sulphure combustis compositum, in-
 flammationes tollit, & fusionem suc-
 corum coagulatorum. promovet; *sal*
 quoque & *pulvis cornu cervi*, &c.
 acridinem acidissimam retundunt, ac
 tollunt, & id ipsum *acetum distil-*
latum, *plumbo* affusum, *dulcedi-*
nem *saccaro* similem acquirit, ex his
 ergò, & aliis experimentis constat,
 particulas *misti struis sanguinis*, *aci-*
das, *acres*, *salinas*, &c. obtundi,
 dulcificari, & destrui posse, ab aliis
salibus admistis, contrariæ naturæ.
 Epimethri loco hæc sit formula.

R. *Vini Canarin: vel aqu: Menth:*
 $\overline{3}$ iv.

Elixir vit: Aromatic: vel aqu.
vit.

Matb: aut quavis aromatic:
 $\overline{3}$ i.

Sp: Theriacal: Camphorat:
 $\overline{3}$ i ss.

Sal:

FEBRIUM. 155

Sal: volat: oleol: gutt: xxv.

Diascord: Syl: drag: un:

Antimon: Diaphor: vel be-
zoard Min. gr: xxx.

Ocul: Canc: scrup: un:

Sperm, ceti scrup: duos: sal:
tart: scrup: un: &c.

M. F. Mistio, his plura addi
possunt.

Vel variis modis variari add:
ol: Stillaticia, velomitten-
do quæ minus grata exi-
stunt.

Si cum horrore febris incipiat, po-
test singulis dosibus addi ol: gar-
rioph: gutt: duæ, usque dum calor
incipiat, pro re natâ sp: sal: armo:
aut sal: volat: CC. vel succin: &c.
loco salis volatilis oleosi, aliquid
Camphoræ vel ejus olei.

Capiat de hac mistura quavis hora
ager. Cochleare unum, donec fu-
dores erumpant, quod argumen-
tum mihi est, circulationem sangui-
nis

156 NOVISSIMA IDEA

nis magis rite pocedere; melius enim semper agri post sudores se habent, quod signum est, non solum sanguinem melius circulare, & liberius pervasa progredi, verum etiam non tam perturbate commistum esse, dum enim perperam commistæ sunt sanguinis particulæ, functiones naturales munia sua obire nequeunt.

Pro potu ordinario præscribere soleo, Rad. Chin. Sarsaparil: Sassafras, &c. vel quod vulgo dicitur the Ryal Tea, ex: gr:

R. Rad: Chin: ℥ i.

Sarsapar:

Ling: Sassafr:

Liquirit: ras: an. ℥ i.

Flor: Anthos: drach: an:

Infundantur per noctem cineribus calidis in ℞. x. aquæ fontanæ manè liviter per mediam horam ebulliant, & colat: servetur usui? His addi possunt, vel Rad: contrayerv: vel cort: peruvian: quin etiam singulis dosibus.

FEBRIUM. 157

bus gutt: nonnullas sp: *volatilis cor*:
C: vel sal: *volatilis oleosi* vel *Elixir*:
vit: & quæ sunt similia.

Si vigiliæ adsint, addi potest *Land*.
gr: unum, vel alterum, habitâ ta-
men *agrorum* debilitatis ratione, in
debilibus enim, ejus usus moderatissimus esse debet.

Si vomitus adsit, *cataplasma* sto-
macho applicare soleo sequens.

R. *Farin: frument: lb.i.*

Baccar: Laur: Juniper:
an. ℥ iii.

Sem: anis: fenic: cumin:
an. ℥ iv.

Nuc: Moscat: Macis gar-
rioph: an. ℥ i.

Allii Contus. vel cap: ℥ ii.

Cog: ex aq: Com: ad Consist:

Cataplasma: add:

Sp: Sal: Armon: ℥ ii.

Matrical: ℥ iii.

Calidissime applicetur.

Deinde propinari potest.

158 NOVISSIMA IDEA

R. *Extract: Absynth:*

Gentian:

Angelic: an. drach.

un:

*Ol: Menth: Arantior; an
gutt. iv.*

Elixir: vit: Drach. duas

Land: Lond: gr. i.

*M. f. Haustus una dosi exhiben-
dus.*

vel

R. *Aq: Menth ꝑ̄ii.*

Cinam Drach: vi vel

tinct: Cinam:

Sp: Nitr: Dulc: scrup: un:

Ol: Menth: vel Macis, &c.

gutt: v.

Syr: 5 Rad: ꝑ̄i.

Land: Lond: gr: ii.

Misce detur cochleatim.

*Sal: Card: & omnes sales fixi
cum succo limonum aliquando pluri-
mum etiam conducunt.*

Si

F E B R I U M. 159

Si *alvus* sit *adstricta* in *febris*,
aliquid *sali tartari vitriol* : addere
soleo.

Si *nimum* prædictis medicamentis
sudores promoventur, ne vires su-
dando *nimum* consumantur, sequens
pulvis assumi debet aliquando.

R. *Lapid: Prunell: gr: vi.*

Ocul: gr: x.

Camphor: gr: iii.

M. f. Pulv.

Plurima adhuc alia sunt medica-
menta quæ *febris* curandis adbiberi
possunt sed quæ brevitatæ gratia omit-
timus.

Verum enim verò, antequam fi-
nem facio, aliquid de *Phlebotomia*
& *Catharticis* dicendum arbitror.

Quamvis autem, *Parisenses Me-*
dici plerique affectibus quibusvis cu-
randis *sanguinis missionem*, opti-
mum, & unicum penè arbitrentur
remedium, non possum tamen idem
cum ipsis sentire, atque in humori-
bus.

bus vario modo peccantibus emendandis, aut minuendis, aliquid eam præstare posse non puto.

Postquam nulla ejus afferri potest ratio probabilis, nulla observatio certa, quin contrarium potius suadeat ratio, testaturque id ipsum experientia.

Propterea hanc ego censeo, cum *Clarissimo Borello* parum juvare, & parum nocere posse, si enim tam *proficua*, & *laudabilis* esset, procul dubio in majori proportionem, *agri* convalescerent in *Gallia* inquit, & *Hispania*, ubi ab omnibus *febricrantibus sanguis* educitur, quam in *Italia* & in aliis locis, ubi nunquam *sanguis* emittitur, è contrà si tam noxia esset, in majori proportionem *agri* in *Hispania*, & *Gallia* interirent, quam in *Italia*: Cum igitur neutrum verum sit, fatendum est, neque noxam, neque juvamen notatu dignum afferre.

Experimenta quibus usus *Phlebotomie*, vel non usus comprobatur à non-

nonnullis nihil probare posse videntur, propterea quod verificantur in *febris salutaribus*; in quibus levia errata nihil nocent: sed eo ipso quod eductio, & non eductio aduersantur sibi ipsis, & utramque proficuum experiri manifestè indicant fallaces esse, & in eis locum habere *paralogismum*, quod ex non causa, ut causa appellatur.

Negari tamen non potest, aliquando *Phlebotomiam* juvare, aliquando verò noxam affere; in aliquibus verò *Epidemiis* omnes *agri* in quibus *sanguis* eductus est, intereunt; è contrà in aliis constitutionibus proficuae sunt, & salutare, quare dari possunt casus, in quibus noceant, & in quibus proficuae sint, si hoc enim verum non esset, non semper, vel non ut plurimum verificaretur.

Aliquando *Phlebotomia* utilis esse potest, quia alterato consueto *sanguinis* motu, contingit ut novus in *universum corpus motus* introducatur, & ideò *perturbata agitati* in me-

melius commutari potest: hoc quidem confirmari potest ex eo, quod multoties *hemorrhagia* fistitur per educationem *sanguinis* è venâ sectâ; similiter *tussis asthmatica suffocativa*, vel *Epilepsia* per *Phlebotomiam* medicatur: alteratio vero motus qui in *sanguine* ob *Phlebotomiam* fieri potest, est acceleratio motus ejus in *arteriis* & retardatio ejusdem in *venis*, quia dum *sanguis* egreditur è venâ sectâ non impeditur adventus, & excursus *sanguinis* in *arteria* contigua, & ideò celerius excurrere poterit, eo quod antea ipsamet copia, per *vias obstructas* tardo motu migrando, impedi-
bat, vetabatque exitum adveni-
enti sanguini; è contra toto tempore quo *sanguis* effluit ab *incisâ venâ* à vulnere, adproximum truncum *cave*, non subministratur *sanguis*, & ideò ne dum ob copiam diminutam, sed etiam quia non urgetur ut prius reliquus *sanguis cave* tardius, & minori motu ad cordis *dextrum ventricu-
lam* perducetur; ex hac inquam al-
tera-

teratione *motus sanguinis* concipi potest, in ipso *cerebro & nervis* aliqua mutatio, undè *spiritus* melius secer- ni, & copiosius in *sanguine* produci possunt, & emendandis *acidis parti- culis sanguinis* inservire, & sic *pertur- batam* earum *mistionem* corrigere, unde nonnihil boni aliquando expectan- dum; raro tamen illud contingere credo, sed frequentius *Phlebotomiam* constitutionem *sanguinis* in deterius commutare, & sic aliquando *sanguinis mistionem* adeo noxiam esse, ut necem afferat.

Non secus *medicamenta purgantia* per alvum, & per vomitum possunt, aliquando juvare, aliquando nocere, attamen ex vi rationum vulgaris scolæ, certè nunquam juvabunt, quia hactenus nullum excogitatum est medica- mentum catharticum, quo humores acres excerni queunt; nam putare quod *pharmacum* vi quadam *electiva & at- tractivâ*, veluti *magneticâ* ex confu- sâ massâ humorum secernat, colligat, & ad se portet, succos aliquos praves, reli-

relictis omnibus salutaribus, videtur somnio simile; potius dicendum, quod *catarrhica*, *acredine*, & *venefica* vi qua pollent, agunt mordicando *membranas stomachi*, & *intestinorum* quæ se contrahendo exprimunt succos, in *vasis glandularum excretoriis* & in *vasis sanguinis* contentos, eosque intra *intestinorum cavitatem* infundunt, eodem propemodum modo, quo *piper* & quilibet *sales corrosivi lingue*, & *fauibus* obvoluta, copiosissimam *salivam* excernunt.

Hinc inferre licet, quod in prædictis *purgationibus* expelluntur omnes humores, in prædictis *vasis*, & *glandulis* existentes, sive *boni* & *utiles* sive *pravi* sint, & hoc nomine utilis, & noxia esse potest talis expurgatio.

Verum tamen est, quod ex *vehementissima commotione* quam adferunt *catarrhica*, *motus sanguinis perturbatus*, ita potest alterari, ut in melius aut deterius commutetur, & sic aliquando (casu tamen) *proficua*, & aliquan-

quando noxia esse potest talis expurgatio.

Nihilominus in periculosissimis ægitudinibus, expedit potius aleam dubiam, & periculosam tentare, si nulla alia tutiora, nihil præstare queunt, quam certo interrire.

Alio nomini *Catartica* proficua esse possunt, quia *venefica* ejus *vis salina* contundere, contemperare, & dulcificare potest *sales fermenti febrilis* non secus ac venenositas cantharidum in vesicantibus, eadem ratione aliquando proficua esse potest, & in febribus aliquando prodesse, sed hæc omnia non carent incertitudine, imò multoties fieri potest ut valdè noxia sint.

Atque ita cum *Clarissimi Borrelli* verbis finem huic tractatulo inponam dicamque si quam exposuimus *februm theoria falsa*, & *erronea* non est, scilicet si non valdè ab januâ aberravimus, non desitemur quod progressu temporis,

166 NOVISSIMA IDEA

ris, certiora aliqua februm me-
dicamenta reperiantur ab eru-
ditis & me Sagacioribus Medi-
cis.

F I N I S.



DIS-

DISSERTATIO.

DE

Insensibili Transpiratione Mechanicâ ratione probata.



Uam utilis, & ad œconomiam animalem necessaria insensibilis transpiratio sit, postea dicturi sumus, sufficiat hic dixisse, nullam vegetabilium creaturarum quas *Supremus Architectus Deus* produxit ne momento quidem sine ea subsistere posse, & proindè operæ pretium fore arbitramur, paulo fufius, & forsân distinctius de hac differere, quam hactenus factum est.

Per *transpirationem insensibilem*, intelligimus particularum noxiarum, & inutilium expulsiõnem.

Ut autem ritè, & ad maximum rei
Me-

Medice commodum, hanc exponere possimus, hæc tria breviter examinabimus: primo *insensibilis transpirationis* originem seu causam, secundo necessitatem hujus, tertio rationes, tantæ secretionis.

Adeo verum est inquit *Clarissimus Borellus*, quod *vita animalis* in motu continuo *particularum* ejus consistat, ut nullo alio signo distinguantur gradus vitæ & perfectionum animalium, quam pluralitate, & celeritate motuum quos edunt: sic videmus quod perfectiora animalia, ut sunt *Canes*, & *Equi*, &c. pluribus, & vehementioribus motibus agitantur, quam imperfecta ut sunt *Ostrea* & similia, & hæc quam *plantæ*: quia nempe plures, & nobiliores actus vitales sensitivos, & loco morivos edunt prima, quam secunda, & hæc quam postremæ *plantæ* tales autem motiones fiunt à *particulis animalis fluidis*, & *consistentibus*, & quidem mediante *fermentatione*, & *effervescentiâ* quippè quæ,
quum

quum non tantum causa motus animalis, sed etiam *insensibilis transpirationis* existat, Mechanicam earundum rationem, compendiaria via examinare necessum judicamus,

Fermentatio in humano corpore (secundum meam opinionem) est *particularum insensibilium* tam multifariorum *alimentorum*, quam diversotum *fermentorum* subitanea remotio à multifariâ *alimentorum*, ac *fermentorum particularum* diversitate, *materia subtili ac aere* producta.

Hujus loci non est accuratè inquirere, in *particularum alimentorum*, ineffabilem varietatem, nulli non innotuit in pane contineri, quam plurimas *particulas*, *salinas*, *acidas*, *oleosas spirituosas*, & innumeras alias, quæ tam ratione differentię *figura*, *magnitudinis*, *duritie*, *soliditatis*, ac *flexibilitatis*, quam ratione differentię *situs* plurimum inter se discrepant.

Sic *caro* peculiare suas *particulas* planè à *panis particulis* diversas in se
H habet:

170 NOVISSIMA IDEA

habet: par omninò ratio est omnium
um *esulentorum*, ac *alimentorum*,
nec non *potulentorum* omnium, *vini*,
cervisæ, &c. quæ non minus inde-
finitam *particularum* varietatem in se
continent, planè ab aliis distinctam.

Quam multum etiam *fermenta*
glandularum, *oris*, *ventriculi*, *in-*
testinorum &c. inter se differant satis
notum, nec minus ex quam multi-
fariis *particulis insensibilibus* unum-
quodque horum constet: quæ om-
nia si invicem commisceantur non du-
bium est quin multifarias *portuunculas*
efficiant, quæ ratione *figura magni-*
tudinis, *numeri*, *soliditatis*, *flexi-*
bilitatis, *densitatis*, *duritie*, ac *situs*
plurimum inter se differunt & conse-
quenter poros cum peculiari propria-
rum *particularum* structura analogos,
& aliis contrarios relinquant.

Cum jam *materia primi elementi*,
& *globuli secundi* (ex quibus quod
materiam subtilem appellare solco con-
stat) nulli corpori sit exclusa, vel in-
clusa, quoniam tali *figura*, *super-*
ficio,

fioie , magnitudine , particularum prædita est , quæ semper convenit cum poris cujusvis corporis , non dubium est , quin *portiunculas* has permeet *Materia hæc subtilis* , *particulasque insensibiles* singularum propellat , quæ ex unâ *portiunculâ* propulsæ , & in aliam ingredi nescientes , propter diversitatem pororum , quam singulæ habent ; necessario *particulas portiuncularum* , quarum poros ingredi nequeunt , protrudere , ac remove debent , & sic indefinitam commotionem in iis excitare : singulæ enim sedulo faciunt , ut possint ingredi poros *figuræ* , *magnitudini* , ipsarum accommodatas , usque dum omnes majorem dissolutionem nactæ sunt.

Eodem modo res se habet in *intestinis* , propter diversitatem *particularum fermenti glandularum intestinalium* , & affluxum *bilis* , & *succi pancreatici* planè inter se discrepantium , sed præcipuè in corde quod acuratiore indagine indiget.

Consideremus itaque primo *Chylum*, ratione diversorum *alimento-
rum*, ac *fermentorum* *aërisque* *par-
ticulas* diversas, constare ex indefi-
nitis generibus *particularum*, *acida-
rum*, *spirituosarum*, *salinarum*, *oleo-
sarum*, *resinosarum*, *limosarum*, *ter-
restrium*, *dulcium*, *amararum*, *au-
sterarum*, aliarumque innumerabi-
lium.

Secundo *lymphæ*, & *sanguini* re-
fluenti commisceri, ex indefinitis di-
versis *particulis* constantibus; quod
nemo inficias ibit, qui sciat quantam
sanguis millenis vicibus *circulatur*, ac
reiteratis in *corde* *effervescentiis* mu-
tationem subierit. Factâ jam *Chyli*
cum *sanguine* hoc *analyfi*, reperi-
mus *particulas* ejus *salinas*, *acidas*,
oleosas, *spirituosas*, aliasque innume-
ras, aliam obtinere indolem ratione
figuræ, *magnitudinis*, *situs*, &c. quam
in *chylo* reperiuntur, reverà in *chylo*
sunt eadem *particula*, ac in *sanguine*,
sed ratione *graduum* *effervescentiæ*
diversæ, hinc facile concludimus in
iis

FEBRIUM. 173

iis *fermentationem* excitari debere; nam si observemus *chylum* ex diversis *alimentorum*, *potulentorum*, ac *fermentorum generibus* constantem, in se continere diversas *acidi-particulas*, quarum aliæ habent *particulas latiores*, aliæ *crassiores*, & non multum *incidentes* versus *extremitates*; aliæ *angustiores* & versus *extremitates acuminatiores*, *tenuioresque*, nonnullæ ex *binis* hisce *acidis* constantes, pungentes versus *extremitates*, non secus ac *salis particula*, nonnullæ quæ variis modis *attritæ* ac *refractæ* sunt, aliæ quæ *aculeum tantum* perdidere, aliæ quæ secundum *longitudinem*, aliæ quæ secundum *latitudinem* ruptæ sunt, & sic ferè ad infinitum proclivè est videre omnes has *particulas* ratione horum omnium, vel magis, vel minus ad *commotionem* idoneas existere.

Deindè si observemus eodem modo res se habere *particulis salinis fixis*, ac *volatilibus* quæ non exiguam *mutationem fermentando* nactæ sunt, non secus ac *acida particule*; nec non *spiri-*

tuosis, oleosis, resinosis, &c. fieri quæ non minus variis modis inter se discrepant.

Denique si habeatur ratio *sanguinis* à partibus tam superioribus, quam inferioribus refluentis, quippe qui iteratæ *effervescentiæ* subjectus, necessario crebras mutationes passus est.

Tandem si hisce causis *effervescentiæ* addatur *aer*, ex indefinitis *particularum generibus* constans, & præcipuè *materia subtilis* difficilè haud quaquam erit, *veram & genuinam effervescentiæ* Ideam formare; quippe ineffabili *particularum chyli, sanguinis, lymphæ, & fermenti in corde relictæ* descrimen, nec non *aëris particulas* multifarias, copiam *subtili materie* suppeditat, per innumeros differentes tubulos instar fulminis penetrandi, & propellendi *particulas insensibiles* in iis tubulis contentas, quæ quum non omnes secundum *lineas rectas* sitæ sint, necessario propelli debent, præsertim illæ, quæ oppositæ sunt *Materiæ subtilis* transfulgarationi

ni per *lineas rectas*, & sic incomprehensibilem *commotionem*, vel *agitationem* in iis excitare.

Hæc veluti per transennam dicta sunt, ad refutandum eos, qui negant dari in corde effervescentiam, concedimus illis quidem, non dari talem qualem *Clarissimus Willisius*, & alii *præstantissimi Viri* statuere, & quæ inter *Alcali*, & *Acidum*, vel in *vino*, *cervisia*, *massa frumentacea* vel *tricea* fieri consuevit; verum enim verò, nullus mortalium inficias ibit, omninò dari in corde *nisum*, seu *conatum* inter *particulas* hæc multifarias *sanguinis*, *Materia subtili* agitata, non secus ac *Clarissimus Cartesius* de luce tractans, probat omnes lucis proprietates, non tam locali remotione *globulorum secundi elementi*, quam eorundem *conatu* consistere, quem *conatum effervescentiæ* nomine indigitare soleo.

Hæc *effervescentia* nullo pacto fieri potest, quin nonnullæ *particulæ* ad *agitationem*, vel *motum*, ac *dissipationem*

tionem maximè idoneæ, ut sunt *aquosa*, & *spirituosa* cogantur à misti compage decedere; *aquosa* enim ob majorem quam obtinent à *Materia subtili* expansionem, majorem *spatii sphaeram*, *motui circulari* peragendo requirunt, quam nequaquam in meatibus *stricta compagis* acquirere queunt, & proindè necesse habent, sese ab aliis separare, quod propter earum *flexibillitatem* facilius præstare possunt.

Spirituosa quoque ratione *subtilitatis*, proclivè etiam dissipantur: quippè impulsu *Materiae subtilis*, facilè protrahuntur, & cum ea una advolant.

Quo ergo magis agitantur *particulæ insensibiles*, eo magis ansa datur huic *transpirationi*, & consequenter facilè videmus, causam hujus *transpirationis* non solum in *stomacho* inchoari, sed etiam augeri in *intestinis*, *lacteis vasis*, *mesenterio*, *ductuque chylifero* maximè autem promoveri in *corde*, *pulmonibus*, ac in *vasis sanguineis* perseverare.

Ne-

Necessitas hujus *transpirationis* ad *vitam* conservandam patet: quia *animalis composito* non est similis ædificio inertiaut mortuo, aut operi musivo, in quo lapides dolati, & vario modo configurati, debitis locis appositi & glutinati, fixè retineantur; sed assimilantur potius flumini, vel *flammæ*, vel militum legioni ambulanti; cujus partes componentes preclarò, ac debito ordine dispositæ sunt, non tamen in quiete constitutæ, sed continenter fluendo; cumquæ talis fluxus fieri in *animali* non possit nisi partes successivè egrediendo discedant, scilicet *transpirent*, & aliæ advenientes, vicem earum suppleant loca exinanita replendo, fit ut *necessaria* sit *transpirationis* duplici nomine, sc: ut *inutilia eliminentur*, ne sua pravitate organicam structuram corrumpant, & ut adventus *nutricii succi* subsequi posset, à quo partes deperditæ reficiantur.

Præterea quia talis adventus non succederet, nisi *sanguis* velocissimo

H 5 cur-

178 NOVISSIMA IDEA

cursu à corde impelleretur, nec talis impulsus fieri posset, nisi circulari fluxu sanguis moveretur, & hic non fieret, nisi spiritus, & in sanguine ipso existentes, & à cerebro eo delati, expansionem, & contractionem cordis producerent: hæc transpiratio hincce nominibus necessaria existit, ut vita animalis non solum, sed omnium vegetabilium vita persistat, & prolongetur.

Ut autem horum causas rectè rimari possimus, duo perpendenda sunt, primo habenda est ratio aëris ambientis, secundo essentie, vel nature particularum quibus effervescentia producitur.

Ex Philosophia satis superque notum est, aërem corpus valdè fluidum, ac tenue esse quod indefinitis particularum generibus, è terrâ erumpentibus imprægnatur.

Deindè corpus esse grave, quod sua gravitate omnia corpora terrea deprimit, ac comprimit, quæ experimentis Baylianis abundè probata sunt.

Se.

Secundo examinanda *essentia particularum*, ex quibus *Materia fermentiscibilis* constat, & observemus ejus *particulas* multo *crassiores*, quam *aëris* esse: si enim tam *subtiles*, vel ipso *aëre subtiliores* forent nequaquam *fermentare* possent; quippè *crassiores*, & *viscosiores particulae* in causa sunt; continuationis *effervescentie*; allas in *aëra*, vel aliquid *aëre subtilius* mutarentur; ex quo jam sequitur, *particulas* has, utpotè *aëre crassiores*, ita ab ipso coarctari debere, ut exiguum modo vicissitudinem obtineant, sed quoniam etiam inter eas sunt, æquè *subtiles ac aëris particulae*, consistentes ex tam multifariis *particulis*, quæ propter earum varietatem (utpotè quæ non omnes secundum *lineas rectas sitæ* sunt) *Materia subtili* ansam dant, eas commoverendi, ac agitandi, quæ continuo *misti compagem* ambiens, & consequenter locum quendam circa eam occupans, *particulas* ejus in continua agitatione, & motu retinere debet, nam in quavis *misti*

180 NOVISSIMA IDEA

compagē sese effervescente exaltante
nonnullæ particulae reperiuntur ut
sunt spirituosæ, oleosæ, vel aquosæ
quæ brachia sua extendunt, cui
expansioni majorem spatii spheram
requirunt, atque sic per plurimos me-
tus relinquunt, qui illico à Materia
subtili occupantur, attamen quæ eos
occupare nequiret, nisi nonnullæ
aliæ ex hac misti strue effervescente
avolare in aëre, quando incipit fer-
mentare, quæ aërem comprimendo,
Materiam subtilem cogunt, extubul-
lis aëris discedere, ad tubulos par-
ticularum misti fermentantium, quas
circum volitando in motu continuant,
qui circularis motus particularum fer-
mentescibilium, egredientium, &
Materiæ subtilis ingredientium, cum
nonnullis particulis aëris si vel mo-
mento desinat, impossibile est misti
struem compressionem aëris resistere
posse, sed necessariò suffocari debent
particulæ ejus spirituosæ, & impediri
quo minus secundum regularem
ordinem ratione figura, ac magni-
tudinis

itudinis commoveri, ac collocari queant.

Si velimus jam hæc cum humano corpore conferre, clarius, & distinctius horum sensum concipiemus. *Sanguis humanus* continetur *vasis* ex *fibris* consistentibus, ut unicuique notum est, hæc *vasa* ad peragendam ritè œconomiam animale[m] opus habent mathematicâ proportionem quo ad eorum latitudinem cum copia *particula- rum* sanguinis.

Deindè *singulis pulsibus* tantum *sanguinis* è corde profilit, quantum ad proportionem prædictæ latitudinis *vasorum* requiritur, sicut *cordi* ab *auriculis* quantum ad replendas ejus cavitates opus est, subministratur; qui *sanguis* in *corde* admodum *efferves- cens*, in eadem *effervescentia* in *vasis* perseverat, & ab hac, *vasa* ad certam mensuram expanduntur, ita ut omnes *particule* ita disponi, ac moveri queant, ut ad debitam expansionem requiritur; si autem vel magis, vel minus *effervescat* quam determi-

natae huic expansioni opus est, ab officio deflectit rem exemplo delucidabimus.

Supponamus ex: gr: quod *arteria* qua continetur *sanguis*, contrahatur in fluxu *spirituum*; ad angustiam *pollicis*, deinde quod *sanguis* e corde profiliens, superat vel evincit contractionem *arteriae*, & compressionem *aëris* ita, ut *arteria* quartam *pollicis* partem expandatur magis, sitque hæc determinata ac debita *arteriae* expansio, ad dispositionem regularem ac commotionem *particularum* omnium requisita.

Supponamus porrò, quingenta millia *particularum sanguinis* illam expansionem *arteriae* planè occupare posse, ea lege tamen ut mille cum aliis *particulis consociata* sunt; quæ mediante *effervescentia* avolare queunt, quæ eo momento quo cum aliis combinatae adhuc sunt, vicissitudinem, vel remotionem *particularum* omnium inpediunt; nam propter *loci angustiam* arctius conjunctæ, se secundum

dum *figuram*, *magnitudinem*, & *situm* commovere nequeunt, quæ propter in causa sunt quo minus *Materia subtilis* eas circum volitare possit, ut melius se agitare queant, sed expiratis demum hisce *mille particulis avolantibus*, *Materia subtili* majus spatium conceditur, quæ quamquam latitudinem unius, & quartæ partis pollicis arteriæ occupat, quæ est expansio quæ in arteria requirebatur, loca exinanita *particularum expiratarum* replens, nihilominus tamen non impedit commotionem harum, sicut præcedentes, sed in causa est iis suppetias ferendo, quo commodius, ac facilius *agitationem* obsolvere queant, secundam rationes antea datas.

Atque ita quamdiu *effervescentia* contingit *motus hic circulis particularum*, *avolantium ex misti compage*, & *Materia subtilis ingredientium* perrennat, & sic *Atmosphæræ* præfluræ prævenitur, cujus molè alias sanguis suffocaretur, jam verò iusta proportio inter *particulas misti struïs*, & *aërem* ope hujus *Materia subtilis*

con-

conservatur; quippè *particula aquosa, & spirituose, &c.* volantes aërem propellendo, *Materiam subtilem* cogunt ex tubulis aëris discedere, & expiratarum *particularum* è *misti* *strua sanguinis* iterum occupare.

Ultimum quod examinandum erat est, *causa tante secretionis, vel dissipationis particularum sanguinis*: quam sanè nemo mirabitur, qui animadvertit *universum corpus nostrum* nihil aliud esse, quam contexturam *vasorum, & fibrarum* atque ita nullam tam exiguam partem in corpore nostro existere, in qua hæc *insensibilis transpiratio* locum non habeat.

Deindè *sanguis, & effervescentes particulae nutritiae*, per millena *vasa* dispersæ sunt, quâ *dispersione, & per consequens divisione* latiore *superficiem* nanciscuntur, & magis ansam dant uberiori secretioni prædictarum *particularum aquosarum, & spirituosarum.*

Quisquis jam velit perpendere, *sanguinem omnesque succos* millenis
tot

tot vicibus, per *universum nostrum corpus* circulare debere, & in *corde effervesce*, facilè rationes comprehendet *tanta secretionis*: quippè quæ in omnibus corporis partibus contingat necessum est, nulla enim corporis pars existit, quæ *succo nutricao* non sit imprægnata, nullus datur *succus nutricius* quin *effervescat*, nulla datur talis *effervescentia* sine hac evaporatione, atque ita nulla pars dari potest in qua non adsit *insensibilis transpiratio*.

Vasa pulmonum præclarum nobis argumentum exhibent, quam multæ respiratione evanescant, & sic non minus *universi corporis nostri vasa*, ita ut quasi nube circumvoluti videamur, si halitus è corpore exhalantes conspicui forent, hiscè agnoscit *magistrum suum canis*, & *varios affectus contagiosos homo homini* impertit, inspirando sc: halitus ex alterius corpore exhalantes, sunt tamen *naturaliter* hi halitus ejusmodi indolis, ut necessario transpirari debeant, quip-
pè

186 NOVISSIMA IDEA

pè sunt inutiles, & proinde eliminandi; ne sua pravitate *organicam structuram* corrumpant, & morâ suâ *equalem missionem sanguinis particularum* impedian, omnesque *functiones* consequenter lædant, nam sicut *sanguis crassiores suas particulas heterogeneas*, per *alvum*, & *vesicam* excernere solet, ita etiam per *poros* eas quæ tam *subtiles* fieri possunt, ut per *insensibilem transpirationem* exhalari queant.

Hinc est quod *medicamenta sudorifera* ritè, ac ordine assumpta, curandis *acutissimis* æque ac *chronicis affectibus* tantum valeant, & tam miraprestant.

Halitus qui in *abdomine* feceruntur, ac progrediuntur foras, propellunt etiam alios ad avolandum idoneos, per *tubulos contexturæ partium*, relictos ab aliis *expiratis particularis* sicut hæ primo egrediebant per *poros arteriarum* singulis illarum expansionibus, singulis pulsibus.

Ejusdem ferè indolis est *secretio*
quæ

quæ sit per *glandulas cutis*, quæ in ea numerosissimæ sunt, qua *sanguis* omnia à *centro* foras propellit, quæ *regulari* ejus *misti*oni, ac *effervescentie* noxia sunt, atque ita si omnes *secre*tiones quæ in *corpore* contingunt, cum hiscè connectere velimus, non mirum videbitur quare multa magis hac via secernuntur, quam *alvo*, vel *urinâ* sicut optimè *Præclarus Sanctorius* in ejus *statica Medecina* observavit, nam si alimenta hominis unius diei sint octo *librarum*, per poros corporis & per cutim tanquam nasam perforatam *transpirant insensibiliter quinque libræ* circitur, per os verò, non nisi *se libra* proximè, talis autem *perspiratio* fiti tempore somni duplo, quam in vigiliis, nempè tum copiosissimæ *perspiramus*, quando maximè nutrimur.

Atque ita meritò concludimus, si *perspiratio* non sit absoluta causa *sanitatis*, saltem ei arctissimè conjuncta est, ita ut *motus vitales boni*, aut *pravi* connexi perpetuò sint, cum
or-

ordinatâ vel deformi *transpiratione* partium substantiæ corporeæ ipsius *animalis*; quoties cunque enim, *motus vitales* pravè & perturbatè fiunt in morbo, aut ob aliquam causam, tunc eadem proportionè *perspiratio insensibilis* impeditur, sicut illud confirmatur ex eo, quod impedita *transpiratione* sive alterata ejus *periodo*, *agritudines* varæ subsequi indies videmus.

F I N I S.

W
S
-
n
oc
-
r-
-
s
e-

